



Wantok



Namba 2042 Oktoba 17 - 23, 2013 28 pes

Niuspepa Bilong Yumi Ol PNG Stret!

K1 tasol



Nau yu ken Teksim Wari, Tingting, Painim Pren, Kanage stori o Pas bilong yu i kam long Digicel namba **7235 6149** na bai mipela putim long Pes 2...

Dinau baset bai go antap tru

PAPUA Niugini bai go het long dinau baset namel long 2013 na 2017.

Na 2014 baset bilong kantri bai no inap go antap we strong bilong Kina i kam daun na prais bilong ol samting olsem gol, kopa na egrikalsa i pundaun long wol maket long taim bilong iekonomik bum long kantri.

Lukim moa stori long pes 2...

WINIM LASPELA KIT HAUS LONG OKTOBA

Harap na top ap nau, na yu ken kamap lucky winner blo dispala Kit Haus. Moa top ap you mekim, moa entries bai yu kisim.



Gret 12 eksem i tokaut long bihaintaim bilong yu...

TINGTING GUT: Godfrey Manduru i wanpela long ol 134 Gret 12 sumatin long Jubili Katolik Sekonderi skul long Mosbi husat i sindaun long namba tu de long fainel eksam. Moa long 17,000 narapela wan gret sumatin long kantri i bin sindaun long dispela eksam. Godfrey i wokim Ligel Stadis eksam wantaim 19-pela sumatin long Jubili Sekonderi. *Poto: Nicky Bernard*

INSAIT

Polis ripot-pes 2
Lukluk bek long
wik - pes 4

Australia i givim
kontrak long
PNG na Manus
bisnis - P3

Edukesen
dipatmen i sot
long tisa - P7

Buai lo i
daunim bisnis
na kalsa - p19



OCEAN BLUE TUNA

Gutpela abus tru na i no dia tumas!

OX & PALM





Teksim Wari, Tingting, Painim Pren, Wantok o Pas bilong yu i kam nau.. Digicel namba: 7235 6149

Putim ai long tupela stilman ya

Pot Mosbi Polis iputim piksa bilong tupela wokman bilong G4S Sekyuriti kampani husat i stilim moa long K6 milien bilong May Benk long tupela wik i go pinis.

Nem bilong tupela em Caspar Louis bilong Goilala na Morobe na Paul Steven bilong Goroka na Sentral provins.

Polis i tok tupela em ol wokman bilong G4S sekyuriti kampani. Ol i kisim mani bilong May Benk long kar go long Sentrel Benk na stilim na ranawe.

Dispela stil pasin em bikpela long histori bilong kantri. Bikpela stilman William Kapris polis i kilim em dai long stilim K2 milien bilong BSP.

Polis i singaut long pablik long putim ai na sapos yu gat infomesen bilong tupela stilman ya, yu ken kwiktaim ringim polis hotlain long 3244331 o 71000363.

Polis bos bilong NCD Andy Bawa i singaut long tupela stilman long givim tupela yet long han bilong polis.



Paul Stevens

Lukim tupela gut na mekso long ripot long ol Polis...



Casper Louis

Dinau baset bai go antap tru

Stanley Nondol i raitim

Gavman bai tokaut long 2014 baset neks mun.

Tresari Minista Don Polye i tokaut olsem 2014 baset bilong kantri bai i nonap go antap tumas na gavman bai go het long fandim planti bikpela projek i no stap long 2013 baset o mani plen bilong kantri namel long 2013 na 2017.

Dispela i kamap long taim bilong wok konstraksen bilong LNG projek i klostu i laik pinis. Prais bilong komoditii kam daun na strong bilong kinatu i kam daun long 0.36 egensim US dola.

Gavman i tokaut long bikpela bilien baset na toktok long bikpela winmani bilong risos bilong kantri tasol pe bilong kaikai na kos bilongol samting i go antap na givim hevi long ol pipel i sevim mani long pe bilong ol.

Long 2013 kantri baset bin stap long K10 bilien na gavman i tokaut olsem 2013 em yia bilong mekim wok na givim K890 milien long 89 distrik na K105 milien long 21 provins long mekim wok developmen.

Praim Minista Peter O'Neill i tok gavman long namba wan taim i givim bikpela milien go long distrik na provins tasol em go het na givim tok orait long bikpela milien kina projek we i no stap long mani plen bilong kantri.

Sampela bilong dispela projek em, K800 milien bilong 2015 Pasifik Gems, moa long K1 bilien bilong rot wok long Hailens Haiwe long Nazab- Lae

rot na Togoba rot we olgeta kontrak wok go long kampani bilong kantri Saina.

Gavman i tokaut long moa long K700milien long stretim na mekim rot long Nesanel Kepitol distrik (NCD) long taim I no gat mani bilong dispela long 2013 baset.

Gavman i yusim K200milien-pinis long NCD rot we i no stap long baset. K100milien i kam long MVIL na Nesanel Fisheries Authority.

Gavman bai putim go insait long baset K400 milien na fandim namel long narapela 3-pela yia stat long 2014.

Oposisen i askim gavman long tok klia long pablik long K800 milien supahaiwe long Lae-Nazab na K399milien Togoba-Kiseneopi rot we gavman givim wok long kampani bilong Saina.

Oposisen i askim sapos gavman i stat long yusim K6bilien dinau bilong Saina Exim Benk. Oposisen i laik save gavman kisim mani we na tu i tok kos bilong tupela rot long moa long K1 bilien em bikpela tumas.

Tasol Treasari Minista Don Polye i tok gavman i gat plen long mani em yusim we i no stap long baset.

Mista Polye i tok gavman bai kisim mani long State Own Enterprise o bisnis bilong gavman long fandim projek we i no stap long 2013 baset na balens bai gavman putim go insait long 2014 baset.

Mista Polye i tok dispela pasin bai go het long tupela o tripela yia.

Long 2015 Pasifik Gems

gavman itokaut long K800 milien na K400milien gavman baim pinis na narapela K400milien bai gavman putim go insait long 2014 baset long mun Novemba.

Praim Minista O'Neill itok NCD rot na 2015 Pasifik gems i stap pinis long plen na gavman i yusim sampel mani nau na bai plen bai go insait long baset long 2014 long pinisim olgeta wok na komitmen.

Mista O'Neill i mekim dispela tok klia bihain long planti komplek i kamap olsem gavman i yusim bikpela milien Kina we i no stap long 2013 baset bilong kantri na askim wanem rot bai gavman i kisim mani long bekim dinau.

Tresari Minista Don Polye i tokaut long planti hap long kantri pinis olsem gavman bai kisim winmani long oil, ges, gol, kopa na long maining na fandim egrikalsa projek long sapatim bikpela populesen long planti yia bihain.

Tasol ripot bilong Nesanel Egrikalsa Developmen Plen (NADP) i soim olsem K528 milien i lus long pasin korapsen aninit long NADP. Nogat tok klia dispela taim long wanem rot bai gavman i fandim egrikalsa projek.

Minista Polye i tok gavman bai fandim ol bikpela egrikalsa projek we bai givim sevis long ol bikpela populesen long planti yia taim.

Em tok gavman bai no inap fandim liklik projek olsem bipo aninit long NADP we bikpela milien Kina i go long nem bilong kampani na wanpela o tupela man tasol i yusim dispelamani na nogat wok i kamap.

Polis Ripot

Papa kaikai nek na dring blut bilong bebi

LAE: Ol plisman long Lae i holim wanpela man bihain long em i kaikai nek bilong pikinini bilong em na dringim blut bilong em. Pikinini ya hausat gat tripela krismas i dai bihain long papa i kaikaim em. Man ya, Rex Eric bilong Finsafen i save stap long wanpela kompaun long Lae. Ripot i kam long Lae i tok mama na bebi i bin go lukim papa long las wik Trinde. Papa i pulim bebi na ran i go kalapim banis na ran i go long bus arere long Hunter setelmen na kaikaim nek na dring blut bilong bebi. Tupela mangki husat i stap antap long kokonas i lukim na ol i ran i go toksave long ol pipel. Ol polis long Lae bai sasim em long kaikai mit bilong man na long kilim indai narapela man.

Polis painim yet K6.3 milien

NCD: Ol polis long NCD i wok long mekim wok painimaut yet long holim olgeta stilman na kisim bek K6.3 milien ol lain ya i bin stilim long las wik Fraide. Man i go pas long Nesanel Kepital Distrik na Sentral Divisional Komanda, Jim Andrews, i tok klostu bai ol i arestim sampela lain. Em i tok ol dispela lain polis i arestim pinis i wok long givim infomesen long ol polis na klostu bai polis i arestim moa pipel. Andrews i tok sekyuriti kampani G4S i givim tupela kampani kar long helpim ol polis i mekim wok bilong painim olgeta dispela stilman. NCD metropolitan komanda suprintenden Andy Bawa i askim ol pablik tu long toksave long ol polis sapos ol i gat infomesen long dispela bikpela stilpasin.

Pait long Kagua 6-pela pipel i dai

MENDI: Sikispela pipel i dai na ol aus i paia long taim pait i kamap namel long tupela wanpsin long Kagua, Sauten Hailans. Dispela pait i kamap namel long ol Kambia na Wambea wanpsin husat i stap long Kataloma. Wanpela kaunsila bilong i bin dai las yia na ol lain i sutim tok long ol Kambia wanpsin.

Polis sasim ol wanwok

TARI: Ol polis long Tari i sasim tripela wanwok bilong ol long pasin bilong hait na karim ol strongpela dring i go insait long provins. Provinsal polis komanda Suprintenden Kaiglo Ambane i tok ol i arestim wanpela plisman las wik na rausim 150 katen bia long en. Las mun ol polis i holim tupela arapela polisman husat i hait na laik karim 16 katen bia. Em i tok ol i bin karim raifol bilong ol polis long taim ol polis i stopim ol long Magarima na sekap. Ambane i tokaut olsem ol polis husat i yusim ol samting bilong polis long hait na karim planti ol strongpela dring i go insait long provins, bai kisim bikpela mekimsave.

Sasim foapela long gan na mariwana

MADANG: Ol polis long Madang i sasim foapela man bihain long ol opisa blong Kastoms na polis i painim olsem ol i karim ol strongpela gan, katres na mariwana. Dispela bikpela wok namel long Kastoms na polis i bin kamap bihain long ol i kisim ripot long ol lain i haitim ol gan na mariwana long ol beg buai. I gat bikpela buai bisnis i stap namel long ol pipel bilong Madang, Sepik na Hailans. Ol i bin painim foapela hai pawa gan na wanpela beg mariwana long dispela wok. Ol polis i bilip ol lain i wok long hait na karim ol dispela kain gan long hap bilong PNG-Indonesia boda na senisim wantaim mariwana i kam long Hailans.

Polis painim tripela stilman

NCD: Ol polis long Mosbi i wok long askim ol pablik long helpim ol na painim tripela man em piksa bilong ol i kamap long sekyuriti kamera bilong Gordons Food World. Polis ripot i tok ol polis i laik toktok wantaim ol tripela man ya bihain long wanpela mobail fon i bin lus long dispela stua. Dispela hevi i bin kamap namel long 8 klok na hap pas 8 long las wik Tunde.

Dia Wantok Niuspepa, mi gat wanpela tok o askim. Em i olsem, husat em nupela MP bilong Sumkar? Sumkar i nidim moa developmen so wanem taim em bai i mekim wok?
Baby Des – Concern citizen Muluk - 12/10/2013

Dia Edita, mi painim wanpela meri Jiwaka nem bilong em Regina John Wom. Mitupela i bin stap wantaim long Tabubil. Mi yet Thomas Joshua stap long Tabubil. Yu ken ring long dispela namba; 7108 9841. **Tenkyu Thomas Joshua, Tabubil -12/10/2013**

Dia Wantok Niuspepa, mi Michael Shadow na krismas bilong mi em 22. Mi singel man na mi laik painim wanpela meri long PNG long maritim na stap wantaim oltaim. Husat i gat laik, yu ken ring i kam long; 7321 5740
Berry Mall – Karkar Island -12/10/2013

Dia Wantok Niuspepa, mi painim pren bilong mi nem bilong em Albert Moide. Em i miks Kwikila na Kiwai Ailan. Sapos wanpela i save long em o lukim em, plis tokim em long ringim mi long fon namba: 7321 5740
Bilum pula long Koki - 13/10/2013

Dia Wantok Niuspepa, mi man na mi laikim wanpela meri i gat gutpela save long rit na rait. Em bai kamap olsem praivet sekreteri bilong mi taim mi treval na bihain bai mitupela i marit. Husat meri i gat laik long dispela, teksim laik bilong yu i kam long dispela namba: 7009 3594 - **13/10/2013**

Dia Wantok Niuspepa, mi wanpela eks kalabus man. Ol marit meri man bilong ol i stap kalabus yet na ol paul wantaim arapela man em i nogut. Taim man i pinis na kam trabel i save kamap. Sampela taim marit i save bruk o em i ken kilim man o meri. Kain olsem wanpela long 4-mail bas stop long sampela yia i go pinis. **Tenkyu. Eks kalabus man -13/10/2013**

Dia Wantok Niuspepa, mi wanpela yut bilong Ambunti/Drekikier ilektoret. Mi laik bai ol pipel long distrik i mas lukluk gut long eduketet kendidet na makim, no ken paul na makim man we i no gat liklik save bilong politik.
Amo-Amo Nil Kapok, Basam Duripuri - 12/10/2013

Australia i givim kontrak long PNG na Manus bisnis



PNG Treseri Minista na Siaman bilong Wol benk na IMF Don Polye I witanesim saining bilong MoU long Komonwelt Fainens Minista miting long Washington DC long Amerika. Minista Polye kisim blesing olsem siaman bilong Wol Benk na IMF long dispela miting. Em kisim toktok long ol sekretariat long wok bilong em. Polye bai stat wok olsem siaman stat long neks yia.

Stanley Nondol i raitim

we Australia gavman i givim i go bek long wok kontrak.

Australia Hai Komisn long Mosbi i tokaut olsem PNG na Manus i kisim sevis long bisnis na wok long Asailam Sika dil namel long PNG na Australia gavman.

Long dispela wik Australia Hai Komisn opis long Pot Mosbi i salim dispela imfomesen pepa i kam aut na tok olsem planti wok na bisnis i go long ol papagraun Manus na PNG.

Wanpela infomesen pepa we Australia Hai Komisn i bin i salim i go aut i tokaut olsem 424 sitisen bilong PNG i kisim wok long Rijnal Prosesing Senta long Lorengau na 287 bilong ol em ol Manus.

Dispela infomesen pepa i tok moa olsem tripela bikpela kampani bilong Australia, Decmil, Red Seas na Toll Remote Logistics husat i bildim ol projek long Manus i kisim 60 pesen bilong PNG kampani olsem sab kontrakta.

Ol sevis long asailam senta em G4S, intanesenel Helt na Medikel Sevis na Salvation Army i lukautim. Australia gavman i toksave long ol lain i givim sevis long givim planti wok long ol lokal PNG na Manus papa-

Australia Hai Komisn i tok 10-pela Manus kampani i kisim bisnis long givim akomodesen, londri, haia kar, fuel saplai, wok bilong klinim ples long moa long K170, 000 long wan wan wik.

Aninit long asailam sika

“Australia Hai Komisn i tok 10-pela Manus kampani i kisim bisnis long givim akomodesen, londri, haia kar, fuel saplai, wok bilong klinim ples long moa long K170, 000 long wan wan wik.”.

graun. Dispela dil bilong PNG na Australia i kamapim planti toktok na Oposisen i salensim nau long suprim kot. Oposisen i tok PNG Praim Minista i no mekim gutpela disisen long kisim ol pipel bilong narapela kantri husat inap go long Australia kam long PNG.

dil, PNG gavman i givim K18.5 milien long Manus provinsal gavman.

Membra bilong Manus, Ronney Knight i autim bikpela bel wari long palamen olsem olgeta konrak wok bilong RPC long Manus i go long Australia na ol papagraun long Manus i painim taim long kisim ol liklik wok aninit long sab kontrak.

Australia gavman bai givim sampela moa mani long apim dispela mani go antap moa na PNG wantaim Manus provinsal gavman i tok mani we Australia bai helpim bai go long stretim Lorengau haus sik na go long Edukesen infrastraksa, stretim ol rot long Manus, stretim Lorengau maket na bai helpim komyniti na yut long Manus.

Mista Knight i tok Australia i kam wantaim olgeta masin na wokman na olgeta mani

I no gat tok klia yet hamas mani bai Australia i givim long ol dispela projek long Manus na Australia i go het na tokaut long wokim namba tu Rijnal Prosesing Senta long Manus.

grow business
Banking solution for SMEs

Smart Business Package

- ✓ Smart Business Current Account
- ✓ Smart Business Deposit Account
- ✓ Smart Business Debit Card
- ✓ Mobile and Internet Banking

Plus Smart Business Loan

320 1212 / 7030 1212 - 24/7
servicebsp@bsp.com.pg
www.bsp.com.pg | f t



Official Sponsor of the 2015 Pacific Games

Sekim ai, em bikpela samting

LUKLUK BEK LONG WIK:

MENDI, SAUTEN HAILANS:

WANPISIN pait long hailans i wanpela samting i no isi long stopim, tasol nau wantaim bikpela mak bilong haus sik fi wanpela haus sik long hailans i putim long ol lain i kisim bagarap i mas baim long kisim tritmen long haus sik. Ol ting dispela fi bai lukim ol kain pait olsem I go daun.

Menesmen bilong Mendi Haus sik long Sauten Hailans i makim K1,000 olsem haus sik fi ol bai sasim long ol pipel i go long kisim tritmen bikos ol i wok long pinisim ol marasin we ol narapela sik inap yusim long en. Sif Eksekyutiv Opisa bilong Mendi Haus sik, Joseph Turian i tok nau ol lain i kisim bagarap long bodi bilong ol long ol wan pisin pait i wok long baim K50 haus sik fi.

Em i tok nau ol i putim fi i go antap long K1,000, dispela i wanpela rot inap daunim pasin bilong wan pisin pait long hailans rijon.

KOKOPO, IS NU BRITEN:

OL edministretiv seketeri bilong olgeta hap bilong kantri i bin bung long Kokopo long wanpela wik na toktok long ol samting i karamapim wok bilong ol. Dispela bung i save kamap olgeta yia we ol sekreteri i save bung long wanpela hap na toktok long ol salens, painim rot long stretim ol na lainim ol nupela samting long helpim ol i go het long ol wok bilong ol. Sampela long ol samting ol bin toktok long em long lainim ol nupela samting long helpim ol i mekim gut wok, gutpela pasin bai givim gutpela piksa long wokples na kampani o ogenaisesen ol i wok long en, na apim stendet tu.

POREBADA, SENTRAL:

PLES Porebada ausait tasol long Mosbi i bin planim wanpela bikman pikinini bilong em long las wik bihain em i dai long hat atek. Sif Inspekta Heni Vagi i gat 41 krismas i bin Provinsal Polis Komanda bilong Sentral Provins i bin kisim sik long lewa na i pundaun na dai.

Em i lusim bihain meri bilong em na 8-pela pikinini. Planti woklain bilong em i bin kamap long funerel sevis na long luksave long wok na posisen em bin holim, ol bin wokim 21 gan salut long tok gutbai long em. Ankel bilong em i bin ritim laip stori bilong em i tok Mista Vagi i bin wanpela top sumatin taim em i skul na em i bin wokim gut stret na kamap top long fisiks long kantri long nesanel Gret 12 eksam.

OK TEDI, WESTEN:

OL lida bilong papagraun long Komyuniti Main Kointinuung Eria (CMCA), Saut na Not Flai na ol viles klostu long Ok Tedi Main eria long Westen Provins i laikim gavman i givim bek 63.4 pe sen sea bilong ol long OTML. Ol lida bilong ol CMCA i wok long bung na ol i wanbel olsem nau gavman i tekova long OTML, samting we ol i no wanbel, em (gavman) i mas givim bek ol sea na ol benefit ol i mas kisim long en. Em ol samting olsem ol dividen bilong las yia 2012 we ol no kisim yet, stopim 63,4 pesen sea tekova gavman i kisim inap ol i bung na stretim toktok wantaim praim minista na ol arapela moa.

MOSBI, NCD: GUTPELA sekyuriti na promosen long ol at na kraf sela bilong PNG i bikpela samting, Ekting Presiden bilong Mosbi Ats Tieta (MAT), Hamish George i tok. Em i tok dispela i bikpela samting long promotim ol at na kraf bilong dispela kantri. Em i tok ol at na kraf sela i save salim ol prodak bilong ol long MAT eria long olgeta namba tu Sarere bilong mun. Em i tok MAT i save holim ol fan resing long kamapim mani na lukautim ples we ol at na kraf sela i save yusim long soim na salim prodak bilong ol na pablik i welkam long go lukim na baim ol samting em ol PNG pipel yet i wokim.

Stanley Nondol i raitim

BIKPELA toksave i go long olgeta man, meri na pikini long go sekim ai bilong ol na luksave sapos i gat asua bai spesolis i helpim ol long kisim ai glas long lukautim ai bilong yu.

Dispela em bikpela toksave i kam long NGO, Eye Care husat i go pas long mekim fri ai sek ap na givim glas long liklik mani yu inap long baim na lukautim ai bilong yu.

Jenerel Menesa bilong PNG Eye Care Drew Keys i tok long

2008 i kam nau moa long 20,000 manmeri na pikinini i sekim ai i gat sampela asua na ol i kisim ai glas.

Mista Keys i tok ol sik olsem trauma, katarek, diabetes na rifektiv era i ken kamapim hevi long ai na sapos ol lain gat dispela sik i no go sekim ai bilong ol bao sik i i go bikpela na ai bilong ol ken pas olgeta.

Mista Keys i tok long PNG, moa long 50 pesen bilong ol lapun i gat hevi long ai na i gat nid long ol i ken putim aiglas.

Dokta Jambi Garap bilong Pot Mosbi Haus sik long World

Sight Day long Pot Mosbi long Tude dispela wik i tok, PNG i no save lukluk tumas long ai helt. Tasol bikpela namba bilong ol pipel i kain kain hevi na ol i putim ai glas raun.

Dokta Garap i tok opis olsem PNG Eye Care, St John's Blind Sevis, Callan Sevis, Fred Hallows Faundesen na Nesanel Dipatmen bilong Helt i fomim wanpela grup ol i kolim Nesanel Prevention of Blindness Committee na salim wanpela plen go long gavman long kisim mani na stretim sevis bilong ai long kantri.



Jenerel Menesa bilong PNG Eye Care, Drew keys.

Kerevat i winim gutpela skul yia

OL studen bilong Kerevat Nesanel Haiskul i amamas na tok tenkyu long bosman bilong haiskul wantaim ol bod ov dairekta, ol tisa na ol wok lain bilong skul long kirapim wok long skul i gohet. Bihain long bikpela hevi i kamap long ol haus slip wara long ol toilet na ol i pasim skul long tupela yia i go pinis.

Memba bilong Kiriwina Good Enough na namba tu spika bilong Palamen, Douglas Tomuriesa i mekim dispela toktok long 38th greduesen bilong Kerevat Nesanel Haiskul long las wik.

Mista Tomuriesa i givim bikepla tok tenkyu na amamas i go long Ray Reime Alo wantaim ol wok lain bilong em i mekim skul i kamap gut gen we ol pikinini bilong PNG i ken kisim gutpela save. Em i tok olsem skul i bin pundaun pinis long tupela krismas i go pinis tasol nau em i kamap gut

gen na ol studen husat i kam long skul bai amamas long lainim ol samting.

Kerevat Nesanel Haiskul i kamap gut gen bihain long prinsipal Ray Alo i stap long skul long tupela krismas na wok wantaim ol bod ov dairekta bilong skul na ol wok lain na ol i stretim ol bagarap i bin kamap long skul.

Long greduesen bilong 2013, ol 116 sumatin i pinisim skul. Mista Tomuriesa i tok long 1993 em i bin go lukim greduesen bilong susa bilong em. Na em i lukim planti ol sumatin i dring spak na mekim kain kain pasin nogut i bagarapim nem bilong skul. Em i tok nau skul i gat disaplun na em i amamas na no gat pasin nogut bai kamap long bagarapim skul.

Prinsipal bilong skul Ray Alo i tok em i bin wok 15 krismas long ranim ol nesanel haiskul long kantri na em i tok Kerevat Nesanel i no wanpela isi skul long lukautim.

Mista Alo i tok em yet i no inap long mekim dispela skul i kamap gut, nogat. Em i tok ol bod ov dairekta, ol tisa na ol wok lain i wok bung wantaim em na ol i lukim skul i kamap gut.

Mista Alo i givim bikpela tok tenk yu long helpim bilong Profesa Philip Siaguru husat i go pas wantaim ol arapela bod ov dairekta long helpim em long kamapim gut skul.

Donald Davey, wanpela studen i kisim namba wan prais long saiens long gret 12. Na Benedict Puturuku i kisim namba wan prais long sosel saiens long dispela greduesen.

Ol bikman meri husat i bin stap long dispela bung em olpela gavana jeneral Sir Paulius Matane, Profesa Philip Siaguru, na ol arapela bikman na meri i makim maus bilong gavana bilong provins na memba bilong Gesel, Malakai Tabai.

Japan sainim kontrak bilong skul

TRINDE Oktoba 9, Ambasad bilong Japan long Papua Niugini, H.E Hiroharu Iwasaki i bin sainim wanpela gran kontrak agrimen wantaim hetmasta na ol bod bilong Kil Praimeri skul long Madang.

"Mi amamas tru long makim ol pipel bilong Japan tude long sainim Gran Kontrak, wantaim Kil Praimeri Skul olsem em i wanpela skul i winim Gran Helpim bilong Grasrut Human Sekyuriti Projek, (GGP) bilong wokim klasrum wantaim mani i kam long gavman bilong Japan.

"Taim mipela i sainim dispela

Grant kontrak, em i soim bikpela mak bilong ol pipel bilong Bamahal ples, Saut Ambenob LIG, Madang Provins we skul i stap long en na ol komyuniti i stap klostu na em bai bringim nambawan edukesen long ol pikinini.

"Mi bilip tru olsem dispela gran helpim bilong mipela bai helpim long hevi bilong skul long klasrum i sot na bai kamapim moa klasrum bilong moa namba bilong pikinini i ken sindaun gut long klasrum na skul gut.

Edukesen i gat bikpela wok

long kamapim nesen na tu long kamapim gutpela sindaun bilong wan wan manmeri na famili na ol komyuniti. Mi luksave olsem gavman bilong Papua Niugini i bin wok long developim wok bilong bringim gutpela edukesen sevis olsem wanpela namba wan wok bilong nesanel developmen aninit long Visen 2050. Mi mas tok amamas long em i go het yet long mekim dispela gutpela wok.

Na gavman bilong Japan i laik stap yet long sapatim ol wok bilong gavman bilong PNG long dispela.

Long pinisim toktok, mi laik tok, mi hop olsem dispela seremoni bilong sainim kontrak bai strongim wok pren bilong pipel bilong Japan wantaim Papua Niugini, na tu i helpim long kamapim wanpela rot bilong patnasip long tupela kantri long bihaintaim."

Mista Iwasaki i bin sainim Gran Kontrak makim gavman bilong Japan, na Siaman bilong Kil Praimeri Skul, Libok Sawan, wantim het tisa Mista Martin Kadamai na bod Seketeri Lalos Dimi i makim Kil Praimeri Skul.

Nupela trefik opis bihain long 32 yia

WANPELA gutpela stori i kamap long biknem 4-Mail Polis Trefik long NCD, taim ol i opim nupela opis long las wik.

Dispela bikpela opis bilong polis trefik i save kamap, em i stap insait long wanpela olpela haus bilong taim bilong Australia gavman yet. Insait bilong em i no gutpela tumas, na ol polis man na meri i save tuhat na wok tasol ol i save mekim wok yet. Ol AD Ensiniering i bin wokim dispela haus long K500,000 i kam long AusAID. Ol i bin wokim dispela haus insait long tupela mun long Me na pinisim long Julai.

Depiuti Siti Menesa, Honk Kiap i bin kamap long opim dispela nupela opis. Long dispela

taim tu Metropolitan Superintendent, Andy Bawa i bin stap long i go pas long sekim polis pered wantaim Depiuti Siti Menesa, Mista Kiap.

Superintenden bilong Edministresen long Boroko Polis Stesin, Sif Inspekta Like Kwago i bin givim liklik stori bilong 4-Mail trefik opis wantaim ol opisa husat i wok insait long dispela opis. Em i tok, i gat planti bikman bilong polis dipatmen, em yet tu wantaim, em i bin statim polis wok bilong ol long dispela opis.

"Ol biknem man olsem, bipo komisina Bob Nenta, Sam Inguba, Inspekta Bukikun, Jimm Wan, Andy Bawa na planti moa, i kamaut long dispela 'tin sed'



Metropolitan Superintendent Andy Bawa, Honk Kiap, NCD/Sentral Komanda Jim Andrews wantaim narapela bikman bilong sanap fran long nupela Trefik opis.

tasol," em i tok.

Em i tok tenkyu long Polis Komisina wantaim ol menesmen tim bilong em na Australia

na PNG gavman long givim dispela luksave na mekim wokples bilong ol trefik polis i kamap nais liklik.

Naru tokim ol Simbu MP long helpim Sios

GAVANA bilong Morobe, Kelly Kasiga Naru i askim ol palamen memba bilong provins long helpim wok bilong sios.

Mista Naru i givim salens bilong em bihain long em i givim K25,000 i go long Membri—Tamba seket bilong Evangelikal Luteran Sios (ELC-PNG) long Sinasina distrik long Simbu provins las wik.

Em i bin stap long Simbu provins long opim wanpela nupela sios lotu.

Em i tokim ol pipel long dispela bung olsem gavman i mas helpim wok bilong sios long dispela taim.

Mista Naru i tok Morobe Provinsal Gavman i givim 10 pesen bilong mani ol i kisim insait long provins long sapatim wok bilong sios long baset bilong provins long dispela yia. Na em i tok dispela mani i helpim planti pastor na ol bilipman meri.

“Olsem wanpela Kristen

bilipman, mi bilip Gavman i mas lukluk gut stret long tok bilong God long givim wanpela ten long olgeta baset i go long Bikman i kamapim yumi bihainim tok bilong Baibel,

“Taim yumi wokim olsem planti moa blesing bai kam em God i bin promis long en,” Gavana Naru i tok.

Gavana Naru i givim salens tu olsem Luteran Sios i stap long PNG moa long 129 yia tasol i no lukim planti blesing bikos ol Kristen manmeri i no putim bilip bilong ol long eksen na wokim samting long sapatim wok bilong God.

“Salens i stap nau long yupela olsem bilipman meri long stat long givim long sait long mani na ol arapela samting bilong yupela long sapatim wok bilong God na surikim Kristen bilip i go het moa,” Mista Naru i tok.

Seket presiden na projek kodineta, Wisky Karogol i tok tenkyu long Gavana bilong Morobe, Mista Naru

long dispela helpim. Tasol em i no soim amamas tumas bikos ol nesanel lida bilong Simbu i no bin kamap long dispela sere- moni.

Em i tok ol i salim tok long ol Simbu lida long dispela spesel seremoni na ol i kilim 65 pik long amamasim de, tasol no gat wanpela long memba i bin kamap..

“Mipela amamas tru long bel bilong mipela long Gavana bilong Morobe wantaim Provinsal Eksekutiv Kaunsil bilong yu i kam long longpela rot long Morobe long kam stap na blesim mipela,” Mista Karogol i tok.

Olpela Baganil sios long Kugera viles long Tabare LLG long Sinasina-Yongumugl distrik i bin bagarap bihain long graun i bruk pundaun long mun Epril 2008. Gavana Naru i bin helpim ol pastaim wantaim K20,000 long kamapim nupela haus lotu.



Morobe Gavana, Kelly i Naru sanap namel wantaim tupela meri na long lephan em LLG presiden bilong Tewai-Siassi, Joel Johnson na Charlie Foie (raithan) long fran bilong nupela Luteran Sios long ples Kugera long Sinasina-Yongumugl distrik.

Ol pis fama long Selbang laikim helpim

Leslie Omaro i raitim

PLES Selbang long Olsobip eria bilong Not Flai Distrik, Westen Provins inap saplaim fres pis i go long Tabubil, Ki-unga, na ol taun i go long boda na tu, long ol hailens rijen.

Klostu 70 fama long ples Olsobip i lukautim fres wara pis olsem kap na talapia long Kayangabip Fam, tasol hevi long sait bilong trenspot long kisim ol pis i go long ol maket na salim, i mekim na long dispela taim ol yet i wok long kaikai.

Tasol i gat hop long ol bai kisim gutpela samting bihain long Ok Tedi Maining Limited (OTML) i go insait aninit long

Takis Kredit Skim (TCS) bilong kampani.

Rijonal Projek Kodineta, Felix Bage husat i go pas long TCS bilong OTML i bin go wantaim wanpela grup long lukluk raun i go long ples Selbang we fam i stap long en. Ol bin laik lukim wok ol pis fama i mekim.

Projek opisa, John Uboibok i bin givim pis maket ripot long Mista Bage na ol ples lain long Selbang wantaim senia Lokal Level Gavman (LLG) opisa, Casper Kini, i bin witnesim dispela.

Mista Kini i tok mani em i wanpela bikpela hevi long dvelopim ol pis fam bilong ol na saplaim i go long ol maket long Westen Provins.

Ripot i bin tokaut long ol hevi bilong dispela maket olsem trenspot na rot no gat mani long ol fama i baim ol samting bilong yusim long pis faming na no gat helpim long gavman, ol gavman dipatmen na ol stekholda.

Mista Bage i bin tok tenkyu long ol pipel bilong Selbang viles long lukautim yet pis fam na em bin tokim ol em bai redim wanpela ripot bihainim wokabaut i go long ples na fam bilong ol na putim sabmisen i go long kampani.

Mista Ubobsok i tok ol pipel bilong em bai no nap givap, tasol ol bai painim rot long salim ol pis bilong ol bikos em i kisim ol 12-pela krismas long statim ol pis fam bilong ol.



PLES SELBANG PIS FAM: Ol Fres wara talapia na kap long Kayangabip famlen, Selbang Viles long Olsobip Distrik, Westen Provins. Foto: Leslie Omaro, OTML Pablik Rilesens

Ol Kristen i mas lukaut long laip na bilip

Paulus Tali i raitim

OL KRISTEN insait long Evangelikal Luteran Sios bilong Papua Niugini, i mas lukaut long Kristen bilip, laip na sidaun bilong ol. Pasta Zawiec Sendry bilong Ridima Paris insait long ELCPNG Lae Siti Seket, i mekim dispela tok long las wik Sande.

Pasto Sendry husat i stap namba 2 presiden bilong ELCPNG Lae Siti seket, i mekim dispela tok taim em i skelim pasin, laip na sidaun bilong ol Kristen insait long Lae siti i no wankain long ol Kristen i stap long asples.

Pasto Sendry I tok em i bin mekim wok pasto long Benong paris, inap 6-pela yia na bihain em i wok long St Barnabas Peris inap long 8-pela yia. Na long dispela yia em i statim wok pasto long Ridima peris long wok

bilong Gutnius ministri.

Pasto Sendry i tok, long ples laip na sidaun na wok bilong autim Gutnius i ron gut na helpim ol Kristen we ol i save tingim Sande em bikpela de holi long lotu na tingim God. Wokmisiin namel long ol lain long ples tu i sanap strong, tasol insait long taun na siti, ol Kristen i save lotu long Sande tasol.

Planti manmeri olsem ol lida long seket, distrik na nesanel i mas kam daun long level bilong ol manmeri na autim Gutnius long dispela taim bilong senis na strongim bilip bilong olgeta Kristen. Planti taim ol manmeri i tingim ol yet na i no save tingim olsem God em i stap insait long laip bilong ol.

Pasto Sendry i mekim dispela tok taim em i autim tok bilong Jisas i helpim ol 10-pela lepra, namel long ol em wanpela tasol i go bek na tok tenkyu long God – Luk 17:11-19. Ol 9-pela i no go

bek na tok tenkyu i makim planti Kristen ol i no luksave long gutpela bilong God insait long pasin Kristen, laip na sidaun bilong ol.

Em i to, ol Kristen i gat kain kain save olsem ol tisa, menesa bilong kampani, loya, ol polis na ami na arapela biknem wok ol i lus tingting olgeta long God. Ol i tingting long samting bilong dispela graun tasol – dispela i soim olsem, ol i stap lus sipsip we tok tru bilong God i no stap insait long ol.

Lukluk i go bek long asples, i gat wok bung namel long sios na gavman i stap na pasin Kristen tu i stap strong em yumi mas bihainim na sanap olsem bilip manmeri insait long Evangelikal Luteran Sios bilong Papua Niugini. Bikpela samting ol Kristen i mas save olsem, God i givim yumi laip na em i save olsem yumi i stap.



EHP Lida kamap long lukim kaunsil presiden

Sape Metta i raitim

PLES i bin paia stret long staim ol lokal, provinsal na nesanel lida i kamap long witnessim seremoni bilong 19 kaunsil presiden long

Provinsal Asembli Hol long Goroka long wik i go pinis. Dispela ol presiden i makim 8-pela distrik long Isten Hailans. Na i go pas long lidim dispela ol lida i go em Gavana bilong

provins Julie Soso Akeke, lokal memba bilong Lufa Jeffrey Kuave (namel) na lokal MP bilong Okapa, Issac Waigavara.

Poto: Sape Metta

JK McCarthy soim ol penting bilong Atis Apa

Sape Metta i raitim

PLANTI ol manmeri long ples bilong yumi PNG i gat kain kain gutpela save, tasol dispela ol gutpela save em ol i no save putim long ples klia na haitim i stap long wanem, ol i nogat sans long soim ol dispela save bilong ol.

Wanpela atis bilong Hela provins, Apa Tengere em i wanpela atis husat i save wokim ol penting bilong em long kanvas long narapela kain stail.

Planti long ol i gat stori bilong ol yet baksait long painting.

JK McCarthy Museum i

luksave long ol gutpela atwok bilong Tengere, ol i amamas long sapotim em na askim em long bringim ol penting bilong em i go long museum.

Ol turis na ol skul pikinini na jenerel pablik bai i ken raun na lukluk na tub aim ol stail penting bilong em.

Ektng Dairekta bilong JK McCarthy Museum, Anna Tokiewa I tok, museum i kamap wantaim dispela tingting long kisim tu ol at we i stori long kalsa na tredisen na putim aut long dispela insait yet long museum.

Em i tok, "Museum em I wanpela ples we yumi mas yusim long putim planti ol

tumbuna samting na at tu, olsem na mipela long JK McCarthy Museum bai mekim kamap dispela. Na taim ol man-meri, ol pikinini na ol skul sumatin i lukluk raun, ol i ken luksave na kisim tu infomesen olsem ol sumatin bilong ol tumbuna i stap yet."

Ms Tokiewa i tok, dispela at eksibisen bilong Apa Tengere bai stap yet long museum i go inap long siks-pela wik olgeta.

Dispela lons i givim san long ol skul sumatin na jenerel pablik long Goroka na Isten Hailans provins long i go na lukluk long dispela ol stail painting.



SOIM OL PEINTING: Atis Apa Tengere (Iep) na Deputi Dairekta bilong Nesenel Museum na At Galeri. Vincent Pou i sanap na kisim poto wantaim Hela hot inisiesen singsing penting long kenves em atis Tengere yet i soim long JK McCarthy Museum long Goroka. Ol penting bai stap long dispelamuseum inap long 6-spela wik.

Poto: Sape Metta

Famili i kisim bagarap long LLG ileksen

Sape Metta i raitim

WANPELA man bilong ples i kisim bikpela bagarap na haus bilong em wantaim ol famili em ol sapota bilong wanpela kendidet i kukim. Dispela birra i bin kamap bihain long Ifiyufa na Mimanalo LLG kaunsil ileksen long Isten Hailans.

Daniel Mogua i bin kisim planti bagarap long het bilong em long taim ol sapota i kamap long eria bilong em long Boda hauslain na katim em wantaim tamiok, bus-naip na ain.

Mogua i tok, wanpela kaunsil kendidet husat i resis long wod 2 LLG eria i no amamas bikos em i no bin kisim gut ol vot na em i

kamapim dispela hevi.

Em i tok ol dispela lain i bin kukim, haus na kago bilong faivpela arapela wanpin bilong em.

Mogua i tok, ol i no save kisim kain hevi bilong ileksen long bipo i kam inap long dispela 2013 LLG ileksen i kamap na bringim hevi i go long hauslain bilong ol.



KISIM BAGARAP 1 – Daniel Mogua, meri bilong em Janet na pikinini man bilong tupela Sine i sanap antap long ples we haus bilong ol bin sanap long en long Boda hauslain long Ifiyufa, Isten Hailans.



KISIM BAGARAP2 – Daniel Mogua soim ol bagarap bilong em long het na pes.. Dispela kain hevi i no save kamap bipo long ol arapela ileksen. Nau i kamap long LLG ileksen long votim husat bai kamap kaunsil long ples.

**SUPER
CHEAP
FRIENDLY
LOW FARES**

Alotau	↔	Misima	K 249
Alotau	↔	Losuia	K 249
Kimbe	↔	Kokopo	K 199
Lae	↔	Madang	K 199
Lae	↔	Popondetta	K 249
Lae	↔	Kokopo	K 329
Lae	↔	Wewak	K 349
Lae	↔	Kimbe	K 279
Madang	↔	Wewak	K 199
Mt. Hagen	↔	Wewak	K 299
Port Moresby	↔	Daru	K 349
Port Moresby	↔	Alotau	K 269
Port Moresby	↔	Goroka	K 299
Port Moresby	↔	Kiunga	K 449
Port Moresby	↔	Mt. Hagen	K 299
Port Moresby	↔	Lae	K 249
Port Moresby	↔	Losuia	K 349
Port Moresby	↔	Misima	K 349
Port Moresby	↔	Popondetta	K 199
Port Moresby	↔	Tari	K 499
Port Moresby	↔	Wewak	K 349

Fares are one way and for travel between 21 October and 30 November, 2013. Booking period is between 16 to 29 October, 2013. Terms and conditions apply. Seats are limited.

**CALL US ON 7222151
or go to
www.apng.com**

PAU sumatin i kisim Theophilus Faundesen skolasip

Frieda Sila Kana i raitim

SIR Theophilus Faundesen i givim luksave long 12-pela sumatin bilong Pasifik Adventis Yunivesiti (PAU) wantaim K58,000 skul fi skolasip las wik.

Ol dispela 12-pela sumatin nau i stap long las na namba 4 yia bilong kisim nening digri. I gat tripela man na 9-pela meri husat i kisim dispela skolasip.

Dairekta bilong Faundesen, Darren Young i bin makim Faundesen na i kamap long Yunivesity wantaim nupela Sif Eksekutiv Opisa (CEO) bilong Pot Mosbi Jeneral Haus Sik, Grant Muddle, long givim dispela sek mani.

“Wok bilong nes i bikipela tru insait long Pablik Helt Ke na Helt Sevis Deliveri long Papua Niugini, olsem na i gutpela long yumi sapotim ol wok lain bilong yumi long mekim gut wok long helpim bikipela namba bilong ol pipel insait long siti,” Mista Young i tok.

Faundesen i bin redi long helpim 25 sumatin, tasol yunivesiti i gat 22 sumatin tasol, long las yia na sampela i stap pinis long narapela sponsa. Olsem na ol inap long helpim 12-pela tasol. Theo Faundesen i wok long helpim Pot Mosbi Jeneral Haus Sik long kamapim gut ol ples bilong wok na tu long kamapim ol gutpela o wokman na meri olsem dokta na nes insait long haus sik. Ol i helpim long putim hap pe bilong CEO tu.

Mista Young, i memba bilong nupela bod bilong haus sik, na em i tok nau yet, bikipela riferel haus sik bilong kantri i gat 900 ples bilong ol nes. Faundesen i wok wantaim haus sik bod na edministresen long kirapim ol haus slip bilong nes, bilong ol i ken kisim moa nes i kam insait long haus sik long wok. Dispela 12-pela sumatin bilong



R-L Aketa Burette, (Eking Dean) Lamech Agea, Dulcie Silas na narapela sumatin.

PAU bai i daunim liklik dispela 900 namba.

Ol bai stap wantaim POM Jeneral Haus sik inap 18 mun na bihain ol i ken go aut sapos ol i no laik long stap moa. Tasol Mista Young i tok, em i bikipela laik bilong Faundesen na bot bilong haus sik olsem dispela ol nes bai i laik long stap yet insait long bikipela haus sik bilong Papua Niugini.

Sir Theophilus Faundesen i gat bikipela amamas long sapotim helt ke a helt sevis deliveri insait long kantri na bai i go het yet long givim moa skolasip long ol sumatin nes husat i laik skul long kamap nes long PNG long ol yia i kam bihain.

Lamech Agea bilong Isten Hailans Provins em i wanpela bilong ol tripela man husat i stap insait long dispela skolasip na em i tok, “Em i gutpela samting long mi kisim dispela skolasip.

Mi gat planti moa mani long baim yet skul fi bilong mi na dispela mani i kam long rait taim stret. Tenkyu long Theo Faundesen i luksave long PAU. Mi amamas long wok wantaim POM Jeneral Haus Sik.”

Dulcie Silas, wanpela sumatin bilong Is Nu Briten na Bogenvil i tok, “Mi kisim bikipela amamas long dispela skolasip.

Em i bikipela blesing i kam long God, bilong wanem olgeta taim mi save painim hevi long ol skul fi bilong mi. Tenkyu long Theophilus Faundesen i kam insait long helpim mi. Mi amamas tasol long wok wantaim PMGH inap long 18 mun, bihain long mi greduet wantaim digri bilong mi.”

Meri i makim PAU, Eking Dean bilong Skul bilong Nes na Helt Saiens, Misis Aketa Burette i tok tenkyu long Sir Theo Faundesen i luksave long PAU olsem namba wan skul bilong nes long kisim dispela skolasip.

“Twelvpela sumatin i kisim luksave long wok long PMGH. Em i gutpela long ol i lainim planti samting bipo long ol i ken go long ol haus sik long rurel eria,” Misis Burette i tok.

Sir Theophilus Faundesen em i wanpela NGO, Sir Theophilus Constantino husat i siaman bilong Pot Mosbi Jeneral Haus Sik i staitim long helpim ol haus sik olsem Pot Mosbi Jeneral Haus Sik long stretim ol wokman na meri na ol ples bilong wok.

PAU em i namba wan nes skul long Sir Theophilus Faundesen i givim skolasip long kisim ol nes long wok insait long Pot Mosbi Jeneral Haus Sik.

helledukesen

Edukesen dipatmen i sot long tisa

James Kila i raitim

OL NUPELA tisa husat i greduet long ol tisa koles long kantri i go we na Nesanel Edukesen Dipatmen i tokaut olsem ol skul long kantri i sot long 10,000 tisa?

W a n p e l a praimer i skul het tisa long Madang, i givim dispela salens long Edukesen Dipatmen. Dispela het tisa i salensim ripot i kamap long nius olsem bikipela namba long ol tisa i wok long lusim wok bilong ol, na ol arapela i risain long olgeta yia na Edukesen Dipatmen i gat spes long 10,000 tisa i stap.

Em i salensim toktok bilong Brain Gaius Monie bilong Dipatmen bilong Edukesen husat i mekim dispela toktok long wanpela nesanel yut devel-opmen wokso long Mosbi las wik.

Mista Monie i tokaut olsem bikipela namba long ol tisa i lusim wok long go painim arapela wok i gat gutpela pe. Em i toktok long dispela insait long wanpela pepa we i tok long sait long wok long edukesen, ol polisi na karikulum.

Em i tok sampela ol tisa i wok long ritai o pinis wok na ol arapela i risain long wok na i go wok long ol arapela wok.

Het tisa long Madang i tok long olgeta yia planti nupela tisa i greduet long ol tisa koles na painim wok i stap na olsem wanem na kain bikipela namba olsem 10,000 spes i stap na no gat tisa. Moabeta, Edukesen Dipatmen i mas givim namba stret na i olgeta tisa husat i greduet i mas go stret na inapim dispela ol namba we Mista Monie i toktok long en.

Narapela samt-



Ol yangpela treni tisa bilong Madang Tisa Kolis.

ing dispela het tisa i toktok long en em olsem Nesanel Edukesen Dipatmen i mas tokaut long wanem provins tru long PNG i sot long namba bilong ol tisa, na em i mas redim spes na tokaut long nius-

pepa, redio o TV long edvataisim ol dispela posisen na ol tisa i ken aplai. Em i tok tu olsem sekyuriti bilong ol yangpela tisa husat i pinis long skul na i go wok long arapela provins tu em bikipela samting. Antap long en tu ol

provinsal edukesen bod na ol wan wan skul bod i mas redim ples bilong tisa long go stap na mekim wok bilong en. Taim dispela i stap bai ol tisa i amamas long mekim wok bilong ol long skulim ol sumatin.

Em i tokaut olsem nau yet i gat planti kain kain ol liklik politiks i kamap long planti ol skul bod wantaim menesmen bilong wan wan skul, na dispela i mekim planti ol tisa i les long go skulim ol pikinini.

Moabeta, ol provinsal skul inspekta i mas lukluk long kain hevi olsem na kontrolim gut ol menesmen bilong skul wantaim bod long mekim ol tisa i stap na mekim wok gut.

AGRICULTURE TRACTORS

90hp
70hp
50hp

*Photo for illustration purposes only

- Slashers
- Disc Ploughs
- Disc Harrows
- Post Hole Augers
- And Other Attachments for Farming

PORT MORESBY: 323 7957 | Digicel: 7215 0333 / 7217 9815
LAE: 472 6324 KOKOPO: 982 8748 | email: machinery@agmark.com.pg

Long stretim bisnis wari bilong yu, Advatais wantaim



Niuspepa Bilong Yumi ol PNG stret!!



Ringim: **Axie**



Augustine



Lydia

Bai ol i stretim wari bilong yu!

Fon: 325 25 00 Fax: 325 2579 Email: advertising@wantok.com.pg

MP luksave long Baptis Wimen Asosiesen



Yut, Meri na Famili

Pastor Barbara Lunge

Yu bai kamautim wanem samting yu planim

Wanem kain samting yu planim long gaden bilong yu? Samting yu planim, i gutpela o i no gutpela? Gaden bilong yu i gro olsem wanem? Em i gat gutpela flawa na ol bataplai i kam long dringim wara bilong ol?

"Nogut yupela i giamanim yupela yet na yupela i ting yupela inap long trikim God. Yupela bai i no inap tru. Yu planim pikinini bilong wanem kain kaikai, em dispela kain kaikai tasol bai i kamap long gaden bilong yu. Sapos wanpela man i bihainim ol laik bilong olupela bel bilong em yet, orait dispela pasin bilong olupela bel bai i kamapim kaikai nogut na em bai i bagarap olgeta. Tasol sapos em i bihainim pasin bilong Holi Spirit, orait Holi Spirit bai i kamapim laip bai i stap gut oltaim oltaim. Olsem na yumi no ken les long mekim gutpela pasin. Sapos yumi no slek long mekim wok, orait long taim bilong kisim kaikai yumi bai kisim gutpela kaikai tru." Galesia 6: 7-9.

Ol Kristen i mas planim ol samting o toktok bilong Spirit i kam long Tok bilong God, bai i bringim laip bilong stap oltaim, oltaim.

Taim yu mekim gutpela toktok o yu givim samting long ol lain i sot tru, Bikpela bai blesim yu.

Tasol sapos yu no save mekim gutpela toktok long ol narapela lain o yu no save givim samting, bai yu kisim tu kaikai bilong pasin bilong yu.

Yumi mas luk nais long pulim ai bilong God na ol narapela man. Yumi mas inap long helpim ol lain i no gat samting tru, o ol lain i gat lek nogut, o ol lain i hangre. Tok bilong God long Buk, Gutpela Sindaun i tok olsem, taim yu save givim samting long ol lain i sot tru, em olsem yu givim samting long Bikpela, na taim yu sot tru long wanpela samting, Bikpela bai givim long yu."

Samting yu bin kisim long pasin bilong giaman, bai yu ting em i swit moa olsem gutpela kaikai. Tasol bihain em bai i kamap nogut tru, olsem wesana pulap long maus bilong yu." Gutpela Sindaun 19:17.

• "Yupela i save pinis long pasin bilong olupela bel. Em ol kain pasin olsem, pasin pamuk na pasin doti na pasin bilong bel i kirap long mekim ol pasin nogut, na pasin bilong mekim ol kain posin na pasin birua na belhat na kros na bel nogut na mangal na pasin bilong ting long yu yet tasol na tok pait na brukim lain, na pasin bilong bel kaskas long ol man i stap gut, na pasin bilong spak na hambak na singaut bikmaus nabaut, na ol kain kain pasin olsem. Bipo mi tokim yupela pinis, na nau mi mekim wankain tok gen. Olgeta man i mekim dispela kain pasin, ol bai i no inap i go insait long kingdom bilong God. Galesia 5:19, 20, 21.

• "Tasol Holi Spirit i save kirapim yumi long mekim ol gutpela pasin olsem, pasin bilong laikim tru ol arapela na pasin bilong amamas, na i no belhat kwik na pasin bilong helpim ol man, na mekim gutpela pasin long ol, na pasin bilong wokabaut stret oltaim.

Na pasin bilong i stap isi na pasin bilong daunim laik bilong olupela bel. I no gat wanpela lo i tambuim ol dispea kain pasin. Olgeta manmeri bilong lain bilong Kraus ol i kisim olupela bel wantaim ol laik na mangal nogut bilong en, na ol i nilim pinis long diwai kros na em i dai pinis." Galesia 5:22-24

Sapos yu laik toktok moa o yu nidim prea, yu ken rait long: Evangelis Barbara Lunge, ROGIM, P.O. Box 3063, Boroko. NCD. PNG, o ring long BM 67331426 OR 71075829 DG

Nidra Rachel Kewere i raitim

GAVMAN bilong Papua Niugini nau i luksave long wok billong ol sios insait long kantri long taim ol memba bilong palamen i givim K450,000 long kirapim Baptis Meri Konvensen Senta long Maun Hagen.

Dispela luksave i kamap klia long taim bilong opim namba 9 Baptis Meri Konvensen long Septemba we ol memba bilong Palamen i kamap long soim sapot bilong ol long wok bilong sios na i givim bikpela mani long wok bilong ol PNG Baptis Meri Asosiesen.

Maun Hagen Open Memba, William Duma i givim K40,000 long meri konvensen, Open Memba bilong Mul-Baiyer, Koi Trappe i makim K250,000 long kirapim Baptis Meri Konvensen Senta, na Prait Minista Peter O'Neill i makim K200,000 long helpim tu long dispela projek.

"Gavman bilong PNG nau i luksave long developmen wok ol sios i save mekim na nau em i wok klostu wantaim ol bikpela mama sios long lukluk long ol hevi i stap long kantri olsem lo na oda," Koi Trappe, Memba bilong Mul-Baiyer i tok.

Em i tok moa olsem, ol meri em pos bilong dispela kantri bilong wanem ol i save helpim ol famili bilong ol, ol distrik, ol lain wapisin, sios na kantri long ol prea bilong ol na long wok bilong ol insait long sios.

Memba bilong Telefomin Solan Mirism i tok tu olsem, wantaim prea bilong ol meri long kantri,



L- Memba bilong Mul-Baiyer, Koi Trappe na Memba bilong Telefomin, Solan Mirism i stap long taim bilong opim Baptis Wimen Konvensen



Ol Baptis meri i mas long Maun Hagen siti na autim nem bilong Jisas long rausim hevi bilong lo na oda.

gavman bilong PNG i lukim planti senis i kamap.

Em i tok, ol sios insait long kantri i pre long gutpela lida bai i kam insait long Palamen, ol lain husat bai i bihainim ol pasin bilong

God na bai helpim tru ol pipel. Em i tok tu olsem sampela lo i senis olsem lo i tambu long paitim na bagarapim meri, na lo bilong kilim man na lo bilong helpim ol liklik bisnis (SME).

Mista Mirisim i tok gavman bilong PNG i strongim wok poroman wantaim 7-pela bikpela sios, olsem Angliken Sios, Baptis Yunion, Evanjelikal Lutheran Sios, Katolik Sios, Salvesen Ami, Seven De Adventes na Yunaitet Sios aninit long Sios Patnasip Program (CPP).

Presiden bilong Baptis Yunion long PNG, Patrick Gaiyer, i mekim luksave long wok bilong Baptis Meri Asosiesen na em i tok long ol prea bilong ol sios, planti gutpela senis i kamap.

"Yumi laikim ol man i save tok tru. Ol man i gat gutpela pasin na nem bai helpim long developim dispela kantri," Mr Gaiyer i tok.

Westen Hailans Gavana Paiaas Wingti i givim K10,000 long ol meri i baim ol wok long dispela konvensen na Mista Solan Mirism i givim K10,000 long PNG Baptis Meri Asosiesen long nem bilong ol Telefomin Baptis Meri Grup.

Namba 9 Tri-enuel Baptis Meri Konvensen i stat wantaim wanpela Jisas mas we 1,300 ol meri i wok-abaut raun long Maun Hagen siti. Ol meri i kam long olgeta Baptis Yunion Sios long kantri. Bikpela tingting bilong mas em long tokaut olsem Maun Hagen Siti i mas stap fri long ol pasin bilong brukim lo olsem rep o bagarapim meri, kilim man, stil pasin, smokim spak brus na ol narapela pasin nogut.

Insait long mas, ol meri long Baptis Meri Asosiesen i laik soim aut olsem ol i no helpim ol meri long sait bilong spirit tasol, nogat. Ol i gat projek bilong helpim ol meri long sindaun bilong ol tu.

Meri Vabukori opim Supa V Stua

PUANA Aiga bilong Vabukori Ples insait long NCD, nau bai lukim stua bisnis bilong em i gro wantaim helpim bilong Supa Valiu Stua na Benk Saut Pasifik (BSP).

Tunde long dispela wik, Puana

Aiga i amamas tru long opim SVS stua bilong em yet insait stret long ples. Mis Aiga em i namba tri bilong ol 17-pela lain long kisim wanpela Supa V Stua insait long Motu-Koitabu eria wantaim K1

milien helpim i kam long NCD Gavana, Powes Parkop. Supa V Stua i gat kontrak wantaim BSP benk long ol ejen bilong ol bai kamap olsem ejen bilong BSP benk tu, olsem na em i kamap ejen bilong BSP benk tu.

Hetman bilong BSP Rurel Peter Komon i tok long taim bilong lonsim stua olsem Ejen bilong BSP, Puana bai kisim olgeta samting i kam wantaim BSP Smat Bisnis.

Aninit long patnasip bilong BSP wantaim SVS, ol Supa V Stua lain bai i kisim:

- Smat Bisnis Mekpas, i kam wantaim Smat Lon.
 - Sampela samting bilong amamasim ol Ejen bilong BSP
 - Trening long Fainens
 - Ejen bai i ken yusim BSP Primium Benk Senta.
 - Ol kastoma i ken yusim ilektronik Benking wantaim mobail na salim na kisim mani long in-tanet na long yusim EFTPOS.
- "Taim Puana i kamap Ejen bilong



Puana Aiga, mama bilong nupela SVA stua holim EFTPOS masin na kompiuta bilong BSP rurel benk sevis.

BSP, em i kisim ol gutpela sevis olsem Smat Bisnis Mekpas, ilektronik benk, nae m bai bringim ilektronik benk sevis long ples bilong

em long Vabukori," Mista Komon i tok.

"Ol narapela lain husat i kisim Supa V Stua tu i kisim pinis trening long fainens long helpim ol bai lukautim gut ol mani bilong ol, long bisnis bilong ol i ken gro gut," em i tok moa.

Maski SVS na BSP i no mekim wankain bisnis, insait long Supa V Stua projek, i gat bikpela sans long BSP na SVS long helpim tru ol komyuniti long rurel eria bilong Papua Niugini.

Ol BSP Ejen i kamapim liklik bisnis na i kamapim mani na bisnis bilong ol na ol inap long helpim komyuniti bilong tu wantaim ol samting ol nidim tru na long kisim na salim mani.

Ol Supa V Stuas bai putim 3,000 nupela ples long ol kastoma bilong BSP antap long narapela 15,000 o moa ples nau i stap; inogat narapela benk i winim dispela.

BSP i gat bikpela laik long wok bung wantaim SVS long lukim ol Supa V Stua i ron gut.

Raun Lukim Ol Meri na Pikinini...



AMAMAS LONG PILAI: PILAI em i wanpela samting ol pikinini i save laikim tumas long mekim. Pauline Hayden husat i gat 10-pela krismas na Benedicta I gat 5-pela krismas, i raidim traisikel bilong tupela long Yelo Haus long Gavman Kompaun long Lae taim *Wantok* i bungim ol. **Poto: Sape Metta**

Misin Sande toktok bilong Pop Francis

LONG kalenda bilong Katolik Sios long PNG na wol, dispela wik Sande em i Misin Sande.

I kam inap tude, Sios i save askim ol Katolik bilip manmeri long pre long wok rilijes, strongim ol pikinini bilong ol long wok rilijes bilong kamap ol pater, bruder na sister na skruim wok bilong Bikman na Gutnius long dispela graun.

Hia em toktok bilong hetman bilong Katolik Sios long wol tude, Pop Francis long 2013 Misin Sande.

Dia ol Brata na Susa,

Mipela i selebretim Misin Sande long taim Yia bilong Bilip i laik pinis. Em i taim bilong strongim laip na sindaun bilong mipela wantaim Bikpela na wokabout bilong Sios i save strong long autim Gutnius.

1. Bilip em i presen bilong God. Em i opim tingting bilong mipela, bai mipela i ken save long God na laikim em. Em i laik serim laip bilong em wantaim mipela, bai mipela i ken stap moa gut na nais na i gat mining bilong em. God i laikim mipela! Tasol yumi mas akseptim bilip na bekim na trastim em na pilim laikpasin bilong em na tenkim em long bikpela marimari bilong em. God i no givim dispela presen long liklik lain tasol. Nogat. Olgeta inap long pilim amamas bilong God i laikim ol na laik sevim ol! Em i no presen yumi ken holimpas bilong yumi tasol. Yumi mas serim dispela presen. Sapos yumi laik holimpas bilip bilong mipela tasol, yumi kamap Kristen, laip bilong ol i no karim kaikai na ol i gat sik. Autim Gutnius em i wok bilong ol disaipel bilong Krai. Dispela pasin bilong ol disaipel i givim laip long Sios. "Kristen komyuniti i save mekim wok misin, em i gat mak Kristen komyuniti i kamap bikpela pinis" (Benedikt 16). Kristen komyuniti i kamap bikpela pinis, taim em i autim bilip bilong em, amamas long selebretim em long liturji, i gat laikpasin, em i autim Gutnius long narapela hap na go long longwe ples, moa yet long hap ol i no save yet long Krai. Mak bilong bilip i strong long yumi wan wan na long komyuniti em i



Pop Francis...

olsem: yumi inap long serim bilip long narapela, mekim em i gro, ekspiriansim em long laikpasin, witnes long em long husat yumi bungim na i stap wantaim yumi.

2. Long Yia bilong Bilip yumi tingim Vatikan Kaunsil 2 i bin kamap 50 yia i go pinis. Em i kirapim gen tingting bilong Sios em i stap namel long olgeta pipel na long olgeta kantri. Wok misin i no go long wanpela hap graun tasol, em i go long olgeta pipel na long olgeta kalsa na long wan wan man na meri, bikos bilip i no gat arere bilong em. Vatikan Kaunsil 2 i tokaut strong long bilip na wok misin bilong wan wan i kisim baptais pinis na bilong Kristen komyuniti bikos ol pipel bilong God i stap long komyuniti bilong daiosis na bilong peris na ol i mas witnes long Krai long olgeta pipel bilong olgeta hap bilong graun. Olsem na tok Jisas i bin givim long ol aposel i go long olgeta komyuniti tu: ol i mas "autim tok bilong mi long Jerusalem, na long olgeta hap bilong Judia, na long distrik Samaria, na i go inap long olgeta hap bilong graun" (Ap 1:8). Dispela em i nambawan wok bilong Kristen laip. Yumi mas wokabout wantaim ol bratasusa, autim Gutnius na witnes long bilip long Krai na kamap aposel bilong Gutnius. Mi invaitim olgeta bisop, ol pris, ol peris kaunsil, wan wan man na meri na wan wan grup bilong Sios long putim wok misin long program na pastoral plen bilong ol. Pastoral wok i no inap sapos em i

no witnes long Krai long ol pipel. Wok misin i mas i stap long tingting bilong olgeta samting bilong Kristen laip.

3. Sampela taim i gat hevi long wok evanjelaisesen i no long ausait tasol, tasol insait long Kristen komyuniti tu. Ol i no amamas na ol i prèt long autim Gutnius bilong Krai long ol pipel na kam klostu long em. Sampela ol i ting, sapos ol i autim Gutnius, ol i no larim ol pipel i stap fri. Pop

Pol 6 i tok olsem: i rong long mekim ol arapela i bilipim samting ol i no laik bilipim. I gutpela long rispektim fridom bilong ol na autim klia Tok Tru bilong Gutnius na salvesen bilong Jisas Krai. Yumi no ken prèt na yumi mas amamas long tokim ol long painim Jisas na kamap witnes bilong Gutnius. Jisas i kam bilong soim rot bilong salvesen long mipela na em i givim wok long mipela long soim dispela rot long ol arapela long olgeta hap bilong graun. Sios i mas autim na witnes long Gutnius i gutpela. No gat wanpela i ken autim Gutnius bilong Krai sapos em i no stap memba bilong Sios. Olgeta taim wok bilong autim Gutnius i mas kam long Sios. Sapos wanpela i autim, em i mekim long nem bilong Sios. Em i no wanpis, nogat, em i bilong Bodi bilong Krai na Holi Spirit i stiaim em.

4. Long taim nau i gat planti we bilong komunikesen namel long ol pipel. Ol i serim save na kain kain ekspirians bilong ol. Planti ol pipel i go long narapela hap, ol turis na ol i painim wok. Em i no isi nau long peris long save, husat tru i bilong peris. Na long ol hap, bipo ol Kristen tasol i stap, planti lain bilong narapela hap i no gat bilip o bilong narapela lotu i kam i stap. Olsem na planti ol i baptais pinis i bhainim ol na lusim bilip bilong ol. "Nupela evanjelaisesen" i mas go long ol. Na tu, Gutnius bilong Jisas Krai i no bin kamap yet long planti ol pipel. i gat ol kain kain hevi tu long

sait bilong mani na bisnis na kaikai na long ol samting bilong graun na long ol bikpela samting bilong laip. I gat planti pait long planti kantri na i no isi long painim rot bilong gutpela sindaun. Namel long ol dispela hevi i save kamap, yumi mas autim Gutnius yet na no ken prèt. Tok bilong God em i tok bilong hop na bilong kamap wanbel na em i tokim mipela, marimari na salvesen bilong God i stap klostu. Pawa bilong laikpasin bilong God inap winim olgeta tudak bilong sin na soim yumi gutpela rot. Krai tasol em i lait i soim rot. Ol i mas bungim Krai. Long testimoni bilong yumi wantaim laik pasin, yumi mas bringim hop i kam long bilip long dispela graun. Wok misin em i testimoni bilong laip i bringim hop na laikpasin. Sios em i no kampani i mekim wok marimari, o wanpela NGO. Sios em i komyuniti bilong ol pipel Holi Spirit i givim laip long ol. Ol i amamas ol i bin bungim Jisas Krai na ol i laik serim dispela amamas na salvesen Bikpela i bin givim long ol. Holi Spirit i stiaim Sios long dispela rot.

5. Mi laik invaitim olgeta long kamap misinari bilong Gutnius bilong Krai na mi tok tenkyu long olgeta misinari, long ol pris na rilijes na ol lei misinari i bin harim singaut bilong Krai na lusim ples bilong ol bilong autim Gutnius long narapela kantri na kalsa. Dispela ol nupela Sios nau i salim ol misinari i kam long ol Sios i bin stap longpela taim na i gat hevi, na ol i bringim nupela laip na hop. Ol i bhainim tok bilong Jisas, "Yupela i mas i go mekim olgeta lain manmeri i kamap disaipel bilong mi" (Matyu 28:19). I gutpela long ol nupela Sios i salim ol misinari i go. Bai ol yet i no sot long ol wokmanmeri bilong Sios. Mi askim ol lain i harim singaut bilong God long tok yesa long Holi Spirit na no ken prèt long givim yu yet long God. Mi askim tu ol bisop na ol rilijes, na ol kain kain Kristen komyuniti na grup long helpim ol Sios i nidim helpim, long kantri bilong ol yet o bilong narapela hap. Ol daiosis i gat moa vokesen i ken helpim ol i sot.

Mi askim ol misinari, moa yet ol fidei donum pris (ol pris i no bilong

ol relijes) na ol lei misinari, long stap amamas long wok misin bilong ol na bringim amamas bilong ol gen bek long ples ol i kam long en. Ol i ken tingim Pol na Barnabas, taim ol i kam bek long nambawan wok misin bilong ol na ol i ripot, "Tupela i tokim ol long olgeta samting God i bin mekim long han bilong tupela.... God i bin opim rot long ol manmeri bilong ol arapela lain, na ol i bilip" (Aposel 14:27). Ol i ken strongim gen amamas na bilip bilong ol lain Kristen long ples.

Bisop bilong Rom wantaim olgeta bisop i wari long Sios bilong olgeta hap graun. Ol i sapatim wok bilong ol Pontifical Mission Societies. Dispela ol lain i wok long strongim tingting na laik bilong olgeta Kristen long mekim wok misin. Ol i tokaut tu, ol pipel bilong God i mas kisim moa save long wok misin na kirapim ol Kristen komyuniti long sapatim wok misin long kain kain we.

Mi tingim tu ol Kristen i stap long sampela kantri ol i no fri long bhainim lotu bilong ol na ol gavman na ol arapela lotu i no rispektim ol. Ol i bratasusa bilong mipela, ol i strong long witnes – planti bilong ol i kamap martir - na ol arapela i laik bagarapim ol long kain kain hevi ol i givim long ol. Sampela ol i stap tru long bilip long Gutnius bilong Krai na ol i no prèt long indai long witnes long Krai. Mi laik toksave long ol dispela lain, ol famili na ol komyuniti i karim bikpela hevi, mi stap klostu long ol long pre bilong mi. Mi laik tokim ol tok bilong Jisas, "...bel bilong yupela i ken i stap strong. Mi winim pinis strong bilong dispela graun" (Jon 16:33).

Benedik 16 i tok, "Yupela mas pre long God i ken helpim mipela, na bai tok bilong Bikpela i ken ran i go long olgeta hap na kisim biknem wankain olsem em i bin kisim namel long yupela" (2 Tes 3:1). Dispela Yia bilong Bilip i ken strongim bilip bilong yupela long Krai. Long Krai tasol laikpasin tru i ken i stap olgeta taim. Mi laik blesim olgeta misinari na olgeta i sapatim ol long autim Gutnius long olgeta hap bilong graun. Mipela tu bai i painim amamas long wok misin.

Pasta laikim ol sios lida i sapatim ol wokman

Paulus Tali i raitim

PASTO i mas kamap gaden bilong God namel long ol manmeri long kisim tok tru na strongim bilip bilong ol, Pasto Tom Tila, wanpela yangpela Luteran pasto i wok nau long Wala Peris long Immanuel Distrik i tok.

Pasto Tila i bin greduet long Orgerlbeng Luteran Seminari long Westen Hailans long 2010 wantaim Diploma bilong Baibel Tioloji.

Em i tok tu olsem planti long ol Kristen bilip manmeri long eria em i stap long en i no gat wankain bilip na luksave long Kristen bilip bilong ol. Dispela em long pasin bi-

long givim na sapatim sios wok na ol ministri.

Em i tok long lotu taim tu, sampela taim i save gat hevi we yumi ken lukim long rait bilong Aposel 2.47.

Pasta Tila i bin mekim wok misin long tupela yia long Kalane Luteran Peris long Immanuel Distrik, tasol nau em wok pasto long Wala peris.

Em i tok bikpela wok bilong sios em long bringim Gutnius i go long ol manmeri long save long tok bilong God.

Em i tok ol pasto na ol evanjelis em ol ki man bilong strongim bilip bilong ol Kristen manmeri.

Olsem na ol sios lida long distrik, seket na peris i mas

lukluk gut long ol pasto husat i kamap olsem gaden bilong God namel long ol manmeri long kisim tok tru na strongim bilip bilong ol.

Em i bin tok tu olsem ol wokman i stap na wok long bus i no kisim bel isi.

"Planti taim mipela ol pasto i stap long bus eria na kam long Distrik bilong mipela i no save kism belisi long lukim ol wok manmeri long opis i kisim helpim long nesenel level.

Wankain i mas kamap long ol pasto na ol evanjelis i mas kisim helpim tu long long ol sios lida," Pasto Tila i tok.

Long ol lain i lusim sios na kamap birua, Pasto Tila i singautim ol long kam bek long sios na wok wantaim.

CPP bai holim bung neks wik

Veronica Hatutasi i raitim

PNG Sios Patnasip Progem (CPP) bai holim tupela de forum o bung neks wik long toktok long ol wok samting i karamapim ogenaisesen bilong ol.

Forum bai kamap long Mein Leksa Tiata (MLT) long Yunivesiti bilong PNG, Waigani long Fonde Oktoba 24 na Fraide 25.

CPP i gat 7-pela bikpela sios long kantri na ol Non Gavman Ogenaisesen patna bilong ol long Australia.

Em ol sios olsem Angliken Sios long PNG (ACPNG), Baptis Yunien PNG (BUPNG), Katolik Sios, Evanjelikel Luteran Sios (EL-CPNG), Salvesen Ami (SA), Seven De Edventis Sios (SDA) na Yunaitet Sios PNG (UCPNG).

Progem Seketeri bilong CPP, Margaret Sete, i tok program i bin stat long yia 2004

na as tingting em long kisim ol sevis i go long ol rurel eria long kantri, moa yet ol sevis olsem edukesen, helt, HIV na AIDS na komyuniti divelopmen.

Progem i putim bikpela lukluk na wok long strongim ol opis wokman bilong ol sios, kamapim gut wok bilong kisim sevis i go aut long ol komyuniti na pablik sekta gavanens.

Misis Sete i tok CPP i save bung bhain long tupela yia na long dispela yia, Yunaitet Sios long PNG na Yunaiting Wol Australia bai lukautim bung.

Ol lain i makim ol 7-pela patna sios long PNG na Australia bai stap long dispela tupela de bung.

Nesenel Plening Minista, Charles Abel, ol bikman na meri bilong AusAID na ol narapela bikman bai givim toktok long dispela bung.



Ol refuji bilong West Papua long Mosbi..

Australia i no laikim 7-pela Wes Papua asailam sika

Sevenpela Wes Papua asailam sika, husait i laik go stap long Australia, i stap nau long Kiunga na bai ol i go stap long Is Awin Refuji kem bilong Yunaitet Nesens (UN).

Tripela wik i go pinis 7-pela pipel bilong Wes Papua provins bilong Indonesia, ol 5-pela man, na wanpela meri na pikinini, i bin kamap long Australia long Boigu ailan insait long Tores Stret. Ol i laik gavman bilong Australia i luksave long ol sem ol aisailam sika na larim ol i stap long Australia.

Tasol tupela de bihain, gavman bilong Australia i bin givim ol i go long PNG Imigresin opisa long Mosbi, na ol i kam long Mosbi we ol i bin stap long Hide Away hotel.

Fred Mambrasar, wanpela lida blong Wes Papua komyuniti long Mosbi i bin stap wantaim ol taim ol PNG Imigresin opisa na polis i kamap long kisim ol i go long ples balus na go long Kiunga. Em i tok, "PNG Gavman i tritim mipela nogut stret, olsem mipela ol narapela lain. Watpo na em i mekim olsem long ol wanskin bilong Wes Papua asailam sika na ol i larim ol narapela pipel, i go long Manus Detensen Senta?" Mista Mambrasar i wari na toktok.

Pasin em gavman bilong Australia i bin mekim long hariap tru na bringim ol dispela Wes Papua pipel i go long PNG i mekim ol Human raits grup long Australia long sutim tok long gavman bilong Australia olsem em i brukim Yunaitet Nesens lo o Konvensen long ol refuji.

Praim Minista bilong PNG, Peter O'Neill i tok ol dispela sevenpela Wes Papua pipel i gat tupela rot em ol i ken bihainim. Wanpela em bilong stap long PNG o ol i ken go bek long Wes Papua.

Tasol sampela listena Redio Australia i tok ol i no laikim tru dispela pasin em Australia i bin mekim long ol dispela sevenpela pipel bilong Wes Papua.

PNG oposisen i no wanbel long gavman

Oposisen long Papua Niugini i no bin amamas long pasin bilong nesenel gavman long givim kontrak long ol ovasis kampani long ol bikipela projek long kantri

PNG Deputi Oposisen lida Sam Basil, i no wabel wantaim gavman long givim kontrak i go long ol ovasis kampani na tok maski long ol dispela kros bilong Oposisen,

Praim Minista Peter O'Neill i sanap strong long tingting bilong nesenel gavman.

Em i tok planti long ol kontrak nesenel gavman i givim long ol kampani bilong Nu Silan na Saina em ol gutpela kampani i gat bikipela save long wok bilong ol.

Strongpela raunwin i hamaim India

Strongpela raunwin i kamap na hamaim India long nambis olsem long is na kilim faivpela pipel na klostu 550,000 arapela i go stap long ol selta nau.

Dispela strongpela win i kamapim bikipela bagarap long ol farm na ol ples bilong painim pis.

Ol toktok i kam long opis bilong disasta manesmen i tok dispela kategori 4 win na ren inap kamapim hevi long 12 milien pipel

Sampela ripot i tok dispela win na ren i bin lusim sampela strong bilong en pastaim long em i kamap long nambis. Tasol em i stap yet olsem strongpela ren win tru bilong India stat long taim taifun i bin kamap na kilim 10,000 pipel long wankain hap 14 yia i go pinis.

Hevi ren i bin kamap long ol ples we ol pipel i save painim pis na win i kamautim ol diwai tu. Ol piksa i kam long satelait i bin soim bikipela mak bilong ren win em i bin karamapim olgeta Bei eria bilong Bengal.

Na nevi bilong Amerika i bin strong bilong Saiklon Failin inap kisim 296 kilomita long wanpela aua.

Bill Shorten i nupela Labor lida long Australia

Bill Shorten i bin winim ileksen bilong Federal Labour lida Em i bin winim Anthony Albanese long wanpela strongpela ileksen. Dispela win bilong em i mekim tambu meri bilong em Gavana Jeneral Quentin Bryce i tokaut long em i mas pinis long dispela wok bilong em long abrusim ol toktok nogut i kamap olsem em i sapotim em.

Mista Shorten i bin winim dispela ileksen bihain long em i kisim 52 pesen bilong ol vot bilong kokos na ol memba bilong Labour Pati memba. Dispela ileksen em i namba wan taim ol inap long vot long makim husait bai kamap lida bilong ol.

Olpela bos bilong Australia Union, i maritim pikinini meri bilong Gavana Jeneral, Chloe, em Mista Shorten i tokaut long pres konfrens olsem lida na wanpela naispela meri bilong em.

Raun bilong PM long APEC bung long Bali Indonesia



PM O'Neill na Presiden SBY lusim bung bihain long ol i sainim Eksen Plen bilong APEC bung. Ol Foto: PM's Media



PM O'Neill i bung wantaim Praim Minista bilong Thailand, Yingluck Shinawatra.



Hai Komisina bilong PNG long Malaysia, Veali Vagi i sekanim PM taim em i pundaun long Malaysia.

Ol nupela lo bilong graun i mas stap ples klia



Oltaim yumi wok long harim o ritim nius bilong kros i kamap long graun. Em i no nupela samting. Kros i kamap bikos wanpela man o grup i sutim tok long narapela i abrusim lo na go insait long graun bilong em. Sapos kros i kamap long kastam graun long ples, bai yumi ken tok dispela pasin i normal na i gat rot bilong stretim. Wanpela grup bai givim stori bilong ol na narapela bai givim bilong en na i gat mediesen i kamap. Sapos ol i no inap stretim long dispela rot, orait ol i ken go long bikpela kot na larim kot i skelim long lo bilong gavman na givim disisen bilong en.

Yumi olgeta i klia long dispela rot bilong stretim hevi. I no gat wanpela hap pepa i gat ol lo bilong tumbuna bikos wan wan tokples grup na wanpisin i narakain long narapela na lo bilong ol bai wok long ples bilong ol stret na i no karamapim narapela ples. I tru olsem no gat man i raitim ol dispela lo bilong tumbuna, tasol yumi wan wan i save long kastam na pasin bilong stretim tok long graun long ol ples bilong yumi.

Tude, laip i senis tasol long ol ples, kot bilong graun i bihainim yet stori na kastam bilong ol tumbuna long stretim tok. Na long taun, yumi bihainim lo bilong



gavman. Ol dispela lo i stap long lukautim sindaun bilong pipel na i karamapim olgeta manmeri na pikinini long PNG. Lo bilong gavman i wankain tasol long ol-

geta provins na ples. Em i no inap wansait long taim bilong skelim tok na givim disisen. Na bikpela samting tru em ol saveman i raitim daun ol dispela lo long buk

na yumi tu i ken ritim na save. Long taim i gat senis i kamap long wanpela hap bilong lo, bai i gat pablik tok save i kamap na pipel i ken ritim na save.

Graun we gavman i bin kisim long sanapim taun na wokim ol skul, haus sik na opis bilong gavman em i liklik hap tasol. I gat taitel na aninit long lo, em i lis graun na i stap long han bilong gavman inap 99 yia. Sampela ol lis i stat long winim 99 yia mak nau na ol papa graun i toktok strong long kisim bek.

I no gat wanpela gavman opisa i save raun oltaim na sekap long ol graun bilong gavman long ol taun. Olsem na yumi wok long lukim kain kain paul pasin i kamap. Ol setelmen i kamap, ol pipel i wokim gaden o ol i surikim mak i go insait long graun bilong gavman na tekova. Dispela kain pasin i wok long kamap bikpela long ol taun tude bikos i no gat moa pablik toksave long pasin bilong sindaun long graun bilong gavman.

Wanpela gutpela eksampel yumi lukim tude em lain i sindaun long ol sabab insait long siti na taun. Taitel bilong graun i soim sais bilong graun we haus bilong wan wan man o kampani i sanap long en. Na i gat simen peg bilong seveia o mastamak i sanap we i soim baunderi bilong graun.

Lo bilong graun i tok dispela eria insait long mak em i bilong papa bilong haus. Tasol eria outsait long banis em i bilong gavman. Dispela eria namel long banis bilong yu na bikrot em ol i kolim nature strip na em i pablik graun. Yu no mas banisim o surukim

mak na kleimim olsem graun bilong yu. I tambu tru long mekim olsem. Yu ken baim kot long mak bilong K100,000 o go kalabus inap long tupela yia.

Planti pipel i no klia yet long dispela lo. I gat sampela hap toktok bilong dispela i kamap long toksave pepa Dipatmen bilong Trensport i bin putimaut long toksave long nupela lo ol i kolim Proteksen ov Trensport Infrastraksa Ekt 2010 bihainim long 72 memba bilong Palamen i bin vot long sapotim dispela lo. Dipatmen bilong Woks i bin putim toksave pepa long dispela nupela lo na i gat ol piksa i soim ol seksen bilong bikpela rot, ol liklik han rot na ol liklik rot bilong ol pipel i wokabout.

I gutpela long moa kain toksave olsem i kamap bai ol pipel i ken klia. Tude ol kain kain pipel long olgeta provins i kam sindaun long taun na planti bilong ol i no klia long ol lo bilong graun na we mak bilong graun bilong ol i stat na pinis.

Dispela pasin i wok long kamap bikpela long ol siti olsem Pot Mosbi. Olsem na askim bilong mipela em long tokaut na mekim ples klia ol lo bilong graun bai ol pipel i ken save na sindaun gut long komyuniti bilong ol. Planti kros namel long ol komyuniti i save kamap long liklik hap spes namel long banis i raunim propeti na bikrot.

I mas gat klia toksave long husat tru i papa bilong dispela spes.

Wol Benk na IMF luksave long Polye

Stanley Nondol i raitim

bai mekim.

WOL Benk na IMF long i luksave long Minista bilong Tre-seri Don Polye long statim wok bilong em olsem siaman long neks yia. Ol i makim em long mekim wok bilong siaman long wanpela miting bilong ol long las mun.

Praim Minista i tokaut long taim ol i makim Mista Polye long mekim wok bilong siaman bilong Wol Benk na IMF olsem dispela luksave i soim olsem PNG i kam antap long ikonomi long ai bilong wol.

Mista Polye i tok bikpela tenkyu long ol fainens minista na ol eksekutiv bilong Asai-Pasifik rijon na bod ov gavana long bilip long PNG na votim em long holim wok bilong siaman bilong Wol Benk na IMF.

Wok bilong siaman em long bosim ol miting, go pas long lukluki long polisi na tokim ol 25 dairekta bilong Wol Benk na menesing dairekta na 24 dairekta bilong IMF long wok ol

Nupela siaman bilong World Bank i laik ol i skelim gut mani bilong Wol Benk na IMF long olgeta memba kantri tasol ol liklik kantri mas kisim gutpela helpim long gro.

Mista Polye i tok PNG i gat bikpela wok long daunim ol hevi bilong lo na oda, politikel stebiliti na ol slek pablik sevan na i no gat gutpela infra-straksa. Em i tok PNG i mas stretim ol dispela samting pas-taim long kisim bikpela sevis long Wol Benk na IMF.

Wankain taim tu, Mista Polye i tok, 2014 baset bai i no inap go antap tumas. Em i tok kantri bai mekim baset long dinau long 2014 na 2015 na bai daunim gen long sampela yia bihain.

Mista Polye i tok gavman bai putim mani long egrikalsa long dispela baset tasol em i tok gavman bai putim mani long ol bikpela projek we bai helpim kantri.

Mista Polye i tok ol projek



Don Polye.

olsem NCD rot na ol infra-straksa bilong 2015 Pasifik Gems na 2018 APEC miting i no bin stap insait long 2013 baset tasol gavman yusim long bai go insait long baset long 4-pela yia. Em tok baset defisit o ol eria we O'Neil gavman i

yusim mani we no gat long baset em long ol lain i stap nat-ing long pe rol bilong ol provin-sal gavman long K150 milien.

Mista Polye i tok ikonomi bilong kantri i gro na winmani i bin kamap gut long las 6-pela mun.



Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea Telephone: (675) 325 2500 Fax: (675) 325 2579

Email: editorial@wantok.com.pg Websait: www.wantokniuspepa.com Pe bilong wanpela yia, 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga Acting Editor Veronica Hatutasi

Published at Able Building Complex, Sec 58 Lot 02, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest or its absolute discretion. The publisher's general terms acceptance are available at Word Publishing Company Ltd and are set out full on the display advertising form.



Arafat dai long poisen...

Ol Swiss rediesen saveman i tokaut olsem ol i painim ol liklik pipia bilong wanpela poisin marasin ol i kolim polonium long klos bilong bipo lida bilong Palestine, Yasser Arafat. Ol i tokaut olsem sampela lain o birua i bin kilim lida long dispela poisin.



Toyota long katim daun 100 wokman-meri long Melbourne

Toyota i singaut nau long 100-manmeri mas voluntia long pinis wok long Altona manufeksa long Melbourne. Dispela singaut i kamap bikos bikpela pundaun tru long ekspot. Long stetmen, presiden na CEO Max Yasuda i tok, em i hat tru long kamapim dispela kain disisen, tasol kampani mas wok gohet yet long salensim global kompetisen.

46 milien yia moskito...

Poto i stap klostu tru em wanpela fosil bilong natnat o moskito i dringim blut, i stap 46 milien yia bipo. Ol i bin painim dispela fosil long nambis bilong Montana wara long Amerika, ol rises lain i bin tokaut. Em i wanpela kain painimaut ol i bin mekim long dispela wol tude na ol i tingting long rausim DNA bilong dispela blut i stap insait long dispela natnat., Dale Greenwalt husat i go pas long dispela wok i tok. Dale em bilong Nesenel Akedemi ov Saiens (PNAS) long Yunaited Stet ov Amerika. (AFP Photo: Smithsonian Institution)

O'Neill mekim wokabaut long Israel

...PNG bai lukautim APEC bung long 2018

PRAIM Minista Peter O'Neill i mekim wokabaut i go long kantri Israel long dispela wik. Dispela i bihanim askim bilong Presiden Benjamin Netanyahu bilong Israel.

Wanpela long ol bikpela samting we Mista O'Neill bai toktok long en em long sanapim wanpela diplometik misin bilong PNG long Tel Aviv, kepitel siti bilong Israel.

Ol narapela samting tupela i toktok long en em log egrikalsa, difens, sekyuriti na komyunikesen, ol eria we Israel i gat bikpela save long ol we em ken helpim PNG long en.

Ol Stet Minista olsem Foren Afeas Minista, Rimbink Pato, Tommy Tomscoll, Egrikalsa & Laipstok Minista na Difens Minista Fabien Pok i bin go long Israel wantaim praim minista.

Long wankain taim, Mista O'Neill i bin stap long wanpela bikpela bung bilong Esia Pasifik Ikonmik Kopresen o APEC i bin kamap long Bali Ailan, Indonesia tupela wik i go pinis. PNG bai lukautim dispela bung long Mosbi long yia 2018.

Mista O'Neill i bin autim tok amamas long Presiden bilong Indonesia, Susilo Bambang long kantri bilong em i lukautim 2013 APEC bung we i bin ron gut tasol.

Taim Mista O'Neill i tok tenkyu long Presiden Bambang, em i amamas long gutpela wok pren tupela kantri i gat we ol i wok wantaim long strongim i go moa.

Mista O'Neill i bin autim bikpela tok tenkyu long sapot ol memba kantri i givim long PNG bai lukautim APEC bung long 2018.



Praim Minista Peter O'Neill i kisim wanpela presen gen long PNG Honorari Konsul- Jeneral Chavarat Charnvirakul long wanpela kaikai long Four Seasons Hotel long Bangkok las wik.

Kam lukim mipela !!

- Live Crocs
- Live Chickens
- Coloured Chooks
- Tasty chicken kebabs
- Meet our mascots and lots more...
- Family Show Bags
- Free Health Checks
- Find job opportunities
- Meet our out growers
- How we make Stockfeed



we are at stalls 31-34.

MOROBÉ 20 show 13

Buy locally & create employment in PNG!



Amamas long bungim liklik mama

Nicky Bernard i raitim

Wantok i bin salim mi go long Kokopo long kisim piksa na stori bilong bikpela ragbi pilai namel long PNG Kumul na Australia Kangaroos PM 13 long wik i go pinis.

Mi go stap 3-pela nait na kam bek. Long Kokopo mi bin slip long wanpela ges haus ol i kolim Vavagil. Dispela liklik ges haus i stap arere long bikpela rot tasol na bikpela ges haus em i stap long sait bilong nam-bis.

Long wok raun bilong mi, mi ringim liklik mama bilong mi husat i marit long Vunamurmur na em i stap olgeta long hap. Mi ringim em na toksave olsem mi kam wok long Kokopo na bai mi go bek long Mande.

Mi no lukim liklik mama klostu tupela yia nau bihain long mitupela bung long Manus long taim bikpela susa bilong em, mama bilong mi, i bin dai.

Liklik mama, i lusim Manus longpela taim na em i go stap long ples bilong man bilong em V-las nau ol save kolim dispela ples long sait long Kokopo.

Namba wan taim mi bungim em long taim em kam olsem na go long Tabubil long bikpela pikinini meri bilong em. Dispela taim bikpela susa bilong em, mama bilong mi, tu i bin kam stap long Mosbi, na mipela go bungim em long ples balus. Long dispela taim tu, bai tupela susa i bung gen bihain long 15 yia olgeta.

Namba tu taim mi bungim gen liklik mama, em taim bikpela brata bilong mi, husat i bin wanpela polisman, i bin dai na mi kisim em i go long ples. Liklik mama wantaim man bilong em tu i bin kisim balus long Tokua na kam long Manus. Dispela bikpela brata bilong mi em tupela i save lukautim long taim em i liklik.

Namba tri taim mi bungim liklik mama gen em long taim em i go long ples long Manus long ol dai insait long famili. Bikpela susa bilong mi i bin dai na liklik mama i kam bek long ples long Manus.

Dispela taim liklik mama i no go bek hariap long ples bilong man bilong em. Em i stap inap liklik brata bilong em i dai long Mosbi na mi kisim em i go long Manus. Na mi lukim em gen bihain long wanpela mun tasol mi kam bek long Mosbi long dai bi-long bikpela susa bilong mi.

Mi lusim liklik mama wantaim bikpela susa bilong em (mama bilong mi) long Manus na mi kam bek long Mosbi long wok. Mi kam wok wanpela mun tasol na mama bilong mi i dai, na mi go bek long Manus.

Dispela taim em i las taim mi lukim liklik mama. Mi kam bek long Mosbi na em tu i lusim Manus na go bek long ples bilong man bilong em long V-Las long Kokopo.

Mi save ringim em tasol long lukim sapos em i orait na i no sik. Mitupela i save toktok tasol long mobail.

Taim Wantok Niuspepa salim mi go long Kokopo, mi save olsem em i nupela taun na bai mi paul. Mi hariap tru ringim mama na em i salim liklik susa i kam kisim mi long ples balus na lusim mi long dispela ges haus.

Long Sarere moning mi harim mobail bilong mi ring na mi lukim namba bilong em, na em tokim mi olsem. "Yu kam. Mi na papa stap autsait long kar pak."

Hariap tru mi lusim rum na ran i go long kar pak long lukim tupela. Aiwara bilong mi pundaun taim mi lukim tupela wantaim wait gras na giaman tit. Mi holim tupela na

tokim tupela, "Ating sapos Wantok i no salim mi kam, ating bai mi kam long dai bi-long yutupela, tasol laki mi wok long niuspepa olsem poto man na ol i salim mi kam long dispela wok na mi lukim yupela."

Tupela holim mi na krai pinis na mi askim tupela sapos susa i ken draivim mi raun long ol wok bilong mi. Tupela tok em i orait na mi go redi na susa i go lusim mama long maket long kisim sampela kaikai bilong kuk long mi.

Liklik susa kam kisim mi na mipela raun painim ol ples bai mi mekim wok long en. Liklik susa tu i save long ol liklik kona bilong Kokopo taun na ol han rot long go long Rabaul. Mi askim susa sapos mipela ken bihainim ol Australia Kangaroos long wanem hap ol i go, tasol san bilong Kokopo em i hat tumas na ol i kisim taim olsem na ol i no raun tumas.

Mama pinis long maket na mipela go kisim em. Ol i kam lusim mi long ples bilong slip na ol i go long ples bilong ol, em i olsem 15 minit drav tasol abrusim Kokopo taun. Long nait ol i kisim kaikai i kam lusim na mi tokim ol long kisim mi long moning na go lusim mi long ples bilong pilai.

Bikpela moning yet liklik mama wantaim susa i kam na toksave sapos mi redi bai mi ringim ol na ol kam kisim mi. Nau yet ol i go setim liklik maket bilong mama arere long ples bilong pilai. Liklik mama bai salim kodiell, kulau na pinat bilong em.

Mi redi pinis na mi kam autsait long



Mi stap namel long papa Lorange Tirava na mama Piuru Tirava long Kokopo. Daunbilo: Ol bubu bilong tupela. Ol Poto: Nicky Bernard



smok na kaikai buai na mobail ring gen. Dispela taim nau em tambu meri i ring, meri bilong pikinini man bilong liklik mama, husat i wok long BSP Lihir. Mi askim ol na ol tokim mi olsem ol stap long get bilong ges haus. Mi go na lukim ol na ol kisim bikpela kaikai stret i kam. Pasin bilong ol Tolai ya, yes em aigir stret. Mi no moa westim taim long kaikai, na tu mi tingim taim bilong pikap ya. Mi kaikai pinis na wetim susa long kam bek kisim mi na mipela olgeta wantaim tambu meri go long Kalabon pilai graun. Mi lusim olgeta wantaim liklik mama long maket na mi go insait long pilai.

Pilai pinis mi ringim susa long kam kisim mi, mama tu i stap insait long kar na mi tokim liklik mama olsem long 10 klok moning bai mi go na yu wantaim susu i mas go

lusim mi long ples balus. Em i tok orait na ol go long ples.

Long moning mi stretim ol samting na mi go lusim ki bilong rum, na mi wet liklik taim tasol na mi lukim kar i pulap long ol skul pikinini na sampela wokmanmeri. Ol dispela skul manki em ol kandre bilong mi husat i kam long tok gutbai. Na sampela ol bikpela manmeri ya em ol kas bilong mi long V-Las ples stret.

Mi tokim mama long kam daun na larim susa i go lusim ol manki long skul na ol kas lain long wok. Mi tupela mama sindaun na mi tokim em bai mi go nau na em i mas stap strongim. Em i tokim mi olsem em i strong yet, na em i askim mi long salim ol tumbuna bilong em i go lukim em bipo long em i no gat inap strong. Mi tokim liklik mama olsem, mani tasol, bai mi traime wok

strong na kisim tiket bilong tripela tumbuna bilong yu na salim ol i kam lukim yu.

Liklik susa lusim ol skul manki na ol wok lain pinis na em i kam kisim mi na mama na mipela ran isi i go long Kokopo maket long kisim tambu meri. Tambu meri i go baim ol liklik kaikai bilong mi long kisim i kam long Mosbi.

Mipela lusim Kokopo maket na ran isi go long Tokua ples balus. Mi holim liklik mama na aiwara i pundaun. Mi tokim em bai em i lukim tripela tumbuna bilong em long Krismas.

Bai mi wok strong long painim mani long baim tiket bilong ol long kam malolo wantaim em. Mama tu i krai bikpela na mekim mi sem liklik tasol mi holim em na tok gutbai na mi go insait long ples bilong wetim balus.



Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wanpela singsing b'long bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment

6:10pm - 7:00pm Mon kamap sho
6:45pm - Komuniti Notis Bod
7:00pm - 9:00pm - COCA COLA GARAMUT

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - Nius - YUMIFM Nius Senta

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TUNDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TRINDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FONDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FRAIDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

SARERE - Nait
7PM Stesen op - Ol Nius Hetlain/Program Priviu
7:05PM Musik na Chit Chat

SANDE - Nait
7PM Stesen op - Ol Nius Hetlain/Program Priviu
7:05PM Musik na Chit Chat

Raun wantaim Wantok kru ...

Ol yangpela skipa bilong wara Ramu gat stail

James G. Kila i raitim

WARA Ramu em haiwe bilong ol motokanu bilong wara stret na ol lain man husat i save ronim ol motokanu o skipa em ol stail eksen lain stret.

Mi bin raun long wara Ramu na mi skelim ol dispela lain bagaros bilong Ramu olsem ol lain bilong eksen o wokim samting stret.

Wara Ramu em i no olsem solwara na bai yu givim nating nating i go. Ol skipa i mas opim ai oltaim bikos nogut wanpela hap diwai i sut i kamaut long wara na bagarapim propela bilong moto.

Mi bin kisim motokanu long Banu bris na katim wara i go antap long Moimara na bihain long tupela nait long hap katim wara i go daun gen malolo long Banu na go long Mundip na Sepu. Wanem samting mi skelim long ol dispela stail skipa blong motokanu em save bilong ol long abrusim ol bikipela diwai na pipia em wara i karim i kam. Ating long solwara em skipa i gat sans long lukim ol rip o ston, tasol Ramu em wara doti tru, tasol ol skipa ya em ol 'tru ave' resa lain stret.

Yes, Ramu wara wankain olsem ol arapela bikipela wara i save tait na karim ol bikipela diwai insait long wara. Olsem na ol skipa bilong moto-kanu i mas save gut tru long wanem hap seksen bilong wara



Pablik rilesen opisa bilong Ramu NiCo (MCC) James Kila (lephan) skelim ol yangpela skipa bilong Ramu riva klostu long ples Mundip ples.

em diwai i stap long en na ol i mas tasol abrusim wantu tasol.

Mi wantaim ol wanwok bilong Ramu NiCo Menesmen (MCC) i wok raun long skelim wara na tu mekim awenes long ol manmeri long ples arere long Ramu riva i no longtaim i go pinis.

Long dispela taim mi kalap wantaim sampela yangpela man bilong Moimara, em ol yangpela resa skipa long kontrolim moto

stret. Wanpela long ol lain ya em Noel na arapela em mi no kisim nem. Brata bilong Noel nem bilong em Sotti tu em wara-man stret long eksen long moto ya.

Taim mipela katim wara ol yangpela man ya putim yaufon na skelim musik na na tromoi stia bilong moto na abrusim ol hap diwai nabaut na mipela i ran. Long fran tu wanpela bum-boks i pairaim na biknem grup bilong Madang, Junia

Wali Hits i pairapim song ya "Wara bilong Mi, Ramu wara e' moto kanu tasol i go i kam,"musik ya i kam long rait taim bilong em stret.

Maski olsem ol lain bilong solwara i save ting ol i moa yet na sempion long holim moto long bikipela solwara, ol bagaros bilong Ramu riva tu i gat stail bilong ol yet long mekim yu skin kirap na amamas long bihainim wara Ramu.

EMTV Television Guide

FONDE OKTOBA 17, 2013

4:57 AM G AUSTRALIA NETWORK
5:00 AM G JOYCE MEYER - 1047-4
5:30 AM G EMTV NEWS REPLAY
6:00 AM G TODAY
09:00 AM GENERAL VIEWING Classroom Broadcast

5:00 PM G KITCHEN WHIZ S4 Ep#42
5:30 PM G TRAPPED YR.1 EP#24/26
6:00 PM G EMTV NATIONAL NEWS
7:00 PM G RAIT MUSIK EP#184
8:00 PM G RESOURCE PNG EP#93
9:00 PM G SOKA XTRA EP#95
9:08 PM G HOT SPOT EP#35
9:30 PM G ELITE MUSIC ZONE EP#34
10:00 PM NEWS REPLAY
.....followed by the Australia Network

FRAIDE OKTOBA 18, 2013

4:57 AM G AUSTRALIA NETWORK
5:00 AM G JOYCE MEYER - 1048-5
5:30 AM G EMTV NEWS REPLAY
6:30 AM G TODAY
09:00 AM GENERAL VIEWING Classroom Broadcast
9:00am Grade 7 Mathematics

9:50am Grade 7 Science
10:40am Grade 8 Mathematics
11:20am Grade 8 Science
1:00pm Grade 6 Mathematics
1:50pm Grade 6 Science
2:30pm DEPI Program
3:30 PM G KIDS KONA
3:30 PM HI 5 - S7 EP#17/47
4:00PM BACKYARDIGANS EP# 24/29
4:30PM KINGDOM OF PARAMITHI EP#5/26
5:00 PM G KITCHEN WHIZ S4 EP#43
5:30 PM G LAST MAN STANDING Yr.1 Ep #23/23 - (Season Finale)
5:55 PM G CRIME STOPPERS
6:00 PM G EMTV NATIONAL NEWS
7:00 PM G IN MORESBY TONIGHT
7:30 PM PGR THE GOODWIN GAMES - S1 EP#3/13
8:00 PM PGR MODERN FAMILY S3 EP#5/24
8:30 PM PGR MODERN FAMILY S3 EP#6/24

9:30PM MAO MOVIE - Feeling Minnesota
11:30 AM G EMTV NEWS REPLAY
.....followed by the Australia Network

SARERE OKTOBA 19, 2013

4:57 AM G AUSTRALIA NETWORK
6:00 AM G EMTV NEWS REPLAY
7:00 AM G IN HIS STEPS EP#6
7:30 AM G ULTIMATE GUINNESS WORLD
8:00 AM G YOGA SUTRA Ep#30Rpt.
8:30 AM G Totally Spies Yr1 Ep #24/26 rpt
9:00 AM G Dani's House Yr2Ep #11/13 rpt
9:30 AM G TRICKY TV S3 EP#3
10:00 AM G Trapped Yr 1 Ep# 24/26 Rpt.
10:30 AM G Last Man Standing Yr 1 Ep #23/23Rpt (Season Finale)
11:00 AM G AUSTRALIA NETWORK
5:30 PM G OLSEM WANEM Ep#39
6:00 PM G EMTV NATIONAL NEWS

6:30 PM PGR HOW TO LIVE WITH YOUR PARTNERS EP#3/13

7:00 PM PGR NEW GIRL S1 EP#3/24
7:30 PM PGR WHITE COLLAR YR.3 EP#3/16
8:30 PM PGR GLEE YR.3 - EP#6 - Repeat
9:30 PM PGR HOMELAND EP#6 - Repeat
10:30 PM G EMTV NEWS REPLAY
.....followed by the Australia Network

SANDE OKTOBA 20, 2013

4:57 AM G AUSTRALIA NETWORK
6:00 AM G EMTV NEWS REPLAY
6:30 AM G IT IS WRITTEN
7:00 AM G HILLSONG
7:30 AM G AUSTRALIA NETWORK
8:00 AM G YOGA SUTRA Ep#31
8:30 AM G BUSINESS PNG# 39 Rpt.
9:00 AM G MARTIN MYSTERY - Ep#12
9:30 AM G OLSEM WANEM- Ep# 39 Repeat

TORO



BIABIA



KANAGE



TOKWIN

Insait wok.

Nogat moa wok, polis mas sekim ol wokman bilong G4S long pasim stil i kamap long moni bilong May Benk. Hau bai ol raskol i save olsem dispela amo kar bilong G4S i karim K6milien insait long kar? Winim William Kapris..Putim baunti long het bilong ol na mekim save long ol. Nogat moa tok.

Hostej drama...

Yu ting ples olsem Alotau i gut-pela ples tru we kain pasin olsem kidnap no inap kamap long ol dispela ples?.. Tingting gut gen! Sikspela raskol i kidnapim

wanpela bisnis Korea man na femili bilong em na karim ol i go na stil long bikipela stua na taim polis i kam, ol i kisim ol na kalap long dingi na raunim ol liklik ailan bilong Alotau we ol i lusim ol na ronawe..tenyu tru, em ol dispela femili i orait na ol i no kisim bagarap...pasin yumi save lukim long ol muvi tasol...

Buai ban mekim prais i go antap..

Buai ban long NCD i mekim nau ol prais bilong buai i go antap moa. Nau ol manmeri i go salim buai long haus bilong ol sasim wanpela long K2..Yu kaikai buai long hap, spet na yu ken go autsait. Tambu tru long spet long pablik rot...Yu

gat K50, yu ken spet autsait long pablik ples. Sapos nogat, jes daunim buai na klinim maus.

Spak pik...

I gat wanpela pik husat i save stilim bia bilong ol turis i stap long Perth Australia. Ol turis i singautim em Swino, wok long stil long ol kemp bilong turis long wanpela pak. Wanpela taim em stilim 18-pela ken bia na em dring na em spak nogut tru na wokbaut long rot i stap na wanpela trak i kam bamim em kilim dai..

Olsem ol i tok, noken spak na long long nabaut long rot...

Tokwin Tasol...

Long yupela ol gutpela Wantok rida i save wokim ol Sudoku kroswod pasel, dispela em nupela SUDOKU. Long solvim Sudoku pasel, putim wanpela namba long wan wan bokis na olgeta ro olsem akros, daun, na olgeta liklik 9-pela bokis skwea long bikipela daigrem o bokis (i gat 9-pela olgeta) bai gat ol namba long 1 inap long 9. Wanpela namba i mas kamap wanpela taim tasol long wanpela ro. Wok wantaim ol namba olsem gaid o stia na wok long pinisim wan wan daigrem wantaim ol missing namba we bai mekim yu painim solusen. Tenkyu na gutpela pilai

STATIM PILAI

Lukluk long namba 9 kolom, bilong pasel piksa i stap long han kais. i gat ol sain insait long pasel bai i ken toksave long wanem hap insait long dispela kolom bai namba 3 i go.

Nambawan sain i stap long namba 8 kolom insait long piksa. I gat wanpela namba 3 insait long namba 5 bokis. Bai yumi i no i nap long putim wankain namba tupela taim insait long wanpela 3 x 3 bokis eria, olsem na yumi bai i no i nap putim namba 3 insait long bokis namba foa, faiv o siks insait long namba 9 kolom.

Yumi ken rausim tu tripela bokis daunbilu tru long namba 9 kolom bikos i gat wanpela namba 3 insait long dispela 3 x 3 bokis eria tu. Olsem na dispela namba 3 i mas go long namba 2 o 3 bokis bilong namba 9 kolom.

Laspela sain nau i stap insait long namba 2 lain bilong piksa na em i gat wanpela namba 3 pinis long en. Loa bilong pilai i tambu long wanpela namba i kamap tupela taim insait long wanpela lain, olsem na i gat wanpela bokis tasol nau i stap long dispela namba 3 i go insait - em namba 3 bokis bilong namba 9 kolom.

Bihainim dispela stail na wankain tingting na rausim i nap ol pasel bokis i pulap olgeta. Sapos yu laik save moa long insait bilong dispela pilai, yu ken go long webait long penny-dellpuzzles.com.

EXAMPLE Sudoku grid with numbers 7, 9, 6, 7, 1, 2, 3, 8, 6, 7, 7, 8, 5, 5, 2, 6, 3, 8, 4, 6, 3, 8, 8, 4, 9, 2, 1, 2, 1, 3

EXAMPLE SOLUTION Sudoku grid with numbers 8, 4, 7, 9, 6, 3, 5, 2, 1, 1, 2, 3, 8, 4, 5, 6, 7, 9, 5, 9, 6, 1, 2, 7, 4, 8, 3, 9, 7, 8, 3, 5, 4, 1, 6, 2, 4, 5, 1, 2, 9, 6, 7, 3, 8, 6, 3, 2, 7, 1, 8, 9, 5, 4, 7, 1, 9, 6, 3, 2, 8, 4, 5, 3, 8, 4, 5, 7, 9, 2, 1, 6, 2, 6, 5, 4, 8, 1, 3, 9, 7

Ansa bilong las wik SUDOKU 15

Sudoku grid with numbers 9, 6, 3, 5, 1, 2, 8, 7, 4, 2, 7, 4, 9, 3, 8, 6, 1, 5, 8, 5, 1, 7, 4, 6, 2, 3, 9, 4, 8, 5, 6, 9, 3, 7, 2, 1, 6, 1, 7, 2, 8, 4, 5, 9, 3, 3, 9, 2, 1, 5, 7, 4, 8, 6, 5, 4, 8, 3, 2, 1, 9, 6, 7, 7, 3, 9, 8, 6, 5, 1, 4, 2, 1, 2, 6, 4, 7, 9, 3, 5, 8

Sudoku grid with numbers 5, 3, 8, 4, 1, 2, 8, 6, 8, 4, 1, 5, 2, 6, 5, 9, 4, 4, 6, 3, 8, 1, 2, 6, 1, 5, 6, 4, 2, 7, 5, 3, 8, 1, 2, 6, 1, 5, 6, 7, 3

Ansa bilong SUDOKU 16 long neks isu.

EMTV Television Guide

Table with 4 columns and 2 rows of TV program listings. Column 1: 10:00 AM G RESOURCE PNG - Ep# 92 Repeat, 11:00 AM G CHEF & HIS BETTER HALF, 11:30 AM G AROUND THE WORLD IN 85, 12:00 PM G AUSTRALIA NETWORK, 6:00 PM G EMTV NATIONAL NEWS, 6:30 PM G PACIFIC WAY, 7:00 PM G TOK PIKSA EP#38, 7:30 PM G PORTRAITS OF A NATION - TBA, 8:00 PM G 60 MINUTES, 9:00 PM MAO MOVIE - THE ISLAND OF DR. MOREAU, 11:30 PM G HILLSONG Rpt. ..., 12:00 AM G EMTV NEWS - Replay, 4:57 AM G AUSTRALIA NETWORK, 5:00 AM G JOYCE MEYER - 1047-2, 5:30 AM G EMTV NEWS REPLAY, 6:00 AM G COCA-COLA SPORTS SCENE EP, 9:30 PM G EMTV NEWS REPLAY, 3:30 PM HI 5 - S7 Ep#15/47, 4:00PM BACKYARDIGANS EP#16/29, 4:30PM DOGSTAR EP#24/26, 5:00 PM G KITCHEN WHIZ S4 Ep#35, 5:30 PM G DANI'S HOUSE YR2. EP#11/13, 6:00 PM G EMTV NATIONAL NEWS, 7:00 PM G HAUS & HOME Ep#36, 8:00 PM G BUSINESS PNG - Ep#39, 8:30 PM PGR OFF THE MAP - Ep#4/13 "A", 9:30 PM G EMTV NEWS REPLAY, 9:00am Grade 7 Mathematics, 9:50am Grade 7 Science, 10:40am Grade 8 Mathematics, 11:20am Grade 8 Science, 1:00pm Grade 6 Mathematics, 1:50pm Grade 6 Science, 2:30pm DEPI Program, 3:30 PM G KIDS KONA, 3:30 PM HI 5 - S7 Ep#14/47, 4:00PM BACKYARDIGANS EP#16/29, 4:30PM DOGSTAR S1 EP#23/26, 5:00 PM G KITCHEN WHIZ S4 Ep#34, 5:30 PM G TOTALLY SPIES EP#24, 5:57 PM G CRIME STOPPERS, 6:00 PM G EMTV NATIONAL NEWS, 7:00 PM PGR GLEE YR.3 - EP#6/22, 8:00 PM PGR HOMELAND S2 - Ep 6/12 "Q&A", 9:00am Grade 7 Mathematics, 9:50am Grade 7 Science, 10:40am Grade 8 Mathematics, 11:20am Grade 8 Science, 1:00pm Grade 6 Mathematics, 1:50pm Grade 6 Science, 2:30pm DEPI Program, 3:30 PM G KIDS KONA, 4:57 AM G AUSTRALIA NETWORK, 5:00 AM G JOYCE MEYER - 1047-4, 5:30 AM G EMTV NEWS REPLAY, 6:00 AM G TODAY, 6:00 AM G GENERAL VIEWING Classroom Broadcast, 6:30 PM MA ARROW Ep#15, 9:30 PM G NEWS REPLAY, 9:00am Grade 7 Mathematics, 9:50am Grade 7 Science, 10:40am Grade 8 Mathematics, 11:20am Grade 8 Science, 1:00pm Grade 6 Mathematics, 1:50pm Grade 6 Science, 2:30pm DEPI Program, 3:30 PM G KIDS KONA, 4:57 AM G AUSTRALIA NETWORK, 5:00 AM G JOYCE MEYER - 1047-4, 5:30 AM G EMTV NEWS REPLAY, 6:00 AM G TODAY, 6:00 AM G GENERAL VIEWING Classroom Broadcast, 6:30 PM MA ARROW Ep#15, 9:30 PM G NEWS REPLAY

Ol Program na Kilok i ken tenis oltaim...

Wiken poto



FESTIVAL PULIM TU OL KIKORI: Kundu na Digaso Festival long Leik Kutubu eria i bin pulim tu ol meri Kikori bilong ples Verrabari long Galp Provins long go insait na ol i singsing i stap. *Poto: Don Niles*



AMAMAS LONG GO LONG SKUL: Ol sumatin bilong Mingming na Yalau Blok long Madang i wok long go long skul. *Poto: James Kila*



WOKIM BASKET: Ol meri Foi long Leik Kutubu eria bilong Sauten Hailans Provns soim pasim bilong wokim basket, olsem Don Niles long Institut bilong PNG Stadis i kisim taim em i go lukim Kundu na Digaso Festival. *Poto: Don Niles*

Raun wantaim Kanage olgeta wik

Kanage i ranawe long dai bilong em...

Kanage i kisim bikpela sik tru long namel bilong tupela lek bilong en. Sori tru long Kanage i pilim hat tru long sanap stret na long wokabout. Na em i slip long bet tasol i stap na wanpela dokta i kam lukim em na giamanim Kanage na i tok olsem, sori Kanage yu i gat 3-pela minit tasol i stap bihain bai yu dai. Na Kanage i wari nogut tru na em i mekim ol las samting bilong em



bipo em bai dai. Tasol dispela taim wanpela kon man tu i kam na i tokim Kanage, mi lukim sik bilong yu, na rabim sili o lombo long dispela hap we em i solap long en. Sori Kanage i ting tru na em i rabim lombo long dispela ples we em i gat sik long en. Tasol yu save lombo em i kukim em

nogut tru na man ya i kisim bikpela bagarap, na em i kalap kalap i go sindaun long wanpela liklik wara na em pilim orait na em i tok, 'Dokta i tok mi gat 3-pela minis i lep bihain bai mi dai ya tasol laki na sili o lombo i kukim sik bilong na mi ran i go long wara na mi sindaun 3pela minis i go pinis na mi no dai. Tenkyu tru long sili o lombo yu mekim na mi ranawe long dai bilong mi, sapos nogat em mi dai pinis. Kanage ting em i ranawe long dai bilong em na em i orait pinis.

Kopeng Andrew

Ol skwat! Teksim ol gutpela Kanage tok pilai i kam long: Txt: 72356149

Tingting planti long God long prea

Dia Laipain,

SAMPELA taim mi save ting olsem God i no save bekim ol prea bilong mi.

Mi save smuk, pilai laki, tasol nau mi stop taim mi kisim Jisas olsem Sevia bilong mi tripela yia i go pinis.

Mi bin bungim gelpren bilong mi long dispela taim na mi bin pre long em i ken kamap olsem patna bilong mi long bihain taim na stap amamas wantaim.

Tasol nau yet mi painim aut olsem, em i wok long prenim narapela mangi na stap wantaim em tupela mun nau.

Mi painim aut olsem mangi em i raun wantaim em i no laikim em, tasol meri i laikim em tumas. Dispela pasin em wokim i giamanim mi, oltaim mi ting mi tasol i wanpela mangi long laip bilong em tasol nogat!

Ol hauslain bilong mitupela i save long prensip bilong mitupela na ol lain bilong em i laikim mi tupela long marit, tasol mi no save long tingting bilong em nau.

Mi save stap feitul o pas long em tasol na mi ting olsem em i laikim mi olsem na nau tingting bilong mi tupela long bai marit bihain i stap nating na wetim wanem samting bai kamap. Olsem na em i wokim dispela kain pasin long mi?

Olsem wanem na Bikpela i givim mi dispela pe na i larim prensip bilong mi tupela i bagarap long dispela kain samting? God i save bekim prea olsem?

DESPONDENT

Dia Pren,

Yu bin tok aut olsem yu wanpela trupela Kristen, tasol yu no i nap long save long pasin na we bilong God bikos long gelpren bilong yu i no soim trupela laikim long yu.

Mipela i sori tru long wanem hevi yu stap long em bikos long dispela yu ting olsem God i save ansarim ol prea. Orait yu tok olsem, long wanem samting stret yu prea long em an askim Bikpela o God we em i no bekim yu? Yu bin prea long em i bai protektim prensip bilong yu tupela o nogat?

God i save bekim ol prea tasol i no long we yumi save laikim long em.

Long sampela taim, God i save bekim prea hariap, sampela taim bihain, o sampela taim em i no save givim wanem samting yumi askim long em.

I gat as bilong dispela samting olsem wanem na God i mekim dispela long yumi taim yumi no laikim long i kamap, tasol i kamap long wanem samting yumi askim em long prea na laip bilong yumi. Dispela em bikos God i save long yumi gut tru, (Rom 8:28) na long Hebrew 13:5b i tok olsem, "em bai i no nap lusim yumi o larim yumi stap nating."

God i laikim yumi tumas tasol em i no tokaut long yumi i no nap kisim pen taim yumi stap olsem kristen manmeri o long graun, ritim Isaiiah 29:11. God i laikim yumi tumas na i givim wanem samting i gutpela bilong yumi.

Na ol salens em i givim i bilong strongim yumi.



I no long bagarapim yumi olsem tasol antap tok skul bilong Baibel long Rom 8:28 i tokim yumi long wok God i mekim long gutpela bilong yumi. Yu ken lukim olsem sampela lain o kristen i save sutim tok long God o narapela long rong bilong ol.

Long wanem na ol pipol i save mekim olsem?

Pren dispela em i stap pinis long Baibel. Taim yu ritim olgeta taim dispela tok bilong God, em i ken helpim yu long wantaim Holi Spirit long save long we na pasin bilong em.

Taim yumi lukluk gen long wanem samting i kamap long gaden bilong Eden, olgeta dispela samting i kamap long giaman tok bilong satan tasol.

Long dispela hap Adam i blemim o sutim tok long God olsem, "dispela meri yu givim long mi i givim dispela pikinini diwai na mi kaikai, Genesis 3:12 na 13. Olsem tasol Eve i blemim Satan"dispela snek i giamanim mi na mi kaikai."

Sapos yu go bek long Genesis 1 long Kriesen, God i givim Adam na Eve olgeta samting na wanpela samting tasol em i tambuim tupela long noken kaikai em dispela diwai i givim save long wanem samting i gutpela na wanem samting i nogut, Genesis 2:16/17.

Taim man i mekim sin o pekato, prensip bilong em wantaim God i bruk na God i salim em i go aut long Gaden ov Eden hap we samting i fri.

Em i tokaut long jasmen bikos long tupela i harim tok, Genesis 3:14 na tupela i wokabout wantaim hevi o wok hat long stap laip.

Long dispela pren Adam i brukim prensip bilong em wantaim God. Mipela i laikim yu long kisim mekim taim long ritim ol dispela skripta mipela i tokaut pinis long em long helpim yu long save long laip bilong yu olsem pikinini bilong God (John 1:12)

Pren i gat as God i ansarim ol prea sampela taim na taim we yu ting em i no save harim yu. Olgeta dispela, em i wok long lukluk long olgeta hevi yumi gat na em i wetim sapos givim laip bilong yumi long em long dispela graun wantaim prea na gutpela wok bilong em.

I gat planti skul tok i stap long Baibel we i toktok long prensip wantaim God, na prea em i wanpela bilong ol dispela impoten o bikpela samting long laip bilong ol kristen manmeri.

Painim taim long ritim stori bilong Job insait long olpela Testamen.

Em i wanpela fetful man bilong God, tasol em tu i kwestenim God na ol pren bilong em, meri bilong em na olgeta samting bilong em bagarap taim bikpela birua i kamap long wokabout bilong em wantaim God.

Bihain long hevi em i bungim wantaim God na ol samting bilong i lus, dispela taim em i tok sori long God olsem em tasol i God na em i save long wanem samting i gutpela bilong mi na em i senisim pasin. Long dispela God i givim em ol samting bilong em moa long ol em

i gat long bipo. Yu ken ritim stori bilong Job sapta 42 na i go moa olsem Joseph (Genesis sapta 37 i go long 50) stori bilong Daniel long sapta 6, man husat ol i tromoim em i go insait long hol bilong laon bikos long feit na prea bilong em long God i Bikpela na long Nupela Testamen Jisas na ol disaipol bilong em. Olgeta i bungim ol salens bilong laip long wanpela na narapela tasol ol i no giv ap long feit bilong ol ol long bihainim Kraist Jisas i go i nap pinis bilong stori bilong ol.

God i save helpim yumi long luksave long bihain taim bilong yumi. Taim yumi abrusim ol hevi, pen na traime bilip na hop i kamap strong gen. Yumi soim pasin laikim na komitmen long bilip long tok tru bilong em.

Pren i gat wanpela tok i olsem "no pain, no gain," wanpela bilong ol Kristen man i save raitim stori Philip Yancey i rait long buk bilong em na, ("Where is God when it hurts") God i stap we taim i gat pen? God laikim yumi i mas laikim em, we ol rot yumi kisim i gat pen bikos yumi givim yumi yet long God i no bilong ol piling na wanem samting yumi kisim. Em i laikim yumi tingting long em na stap wantaim em oltaim maski yumi gat rait long blemim na giaman em.

I luk olsem gelpren bilong yu i no stap tru wantaim yu long we na pasin bilong em yet na yu mas wanbel olsem em i no God i bagarapim prensip bilong yu wantaim em.

Gelpren bilong yu tasol i ken tokim yu olsem bilong wanem na em i mekim olsem na yu tu mas toktok gut tru wantaim em long wanem hevi yu stap long em.

Yu ting olsem dispela meri i olsem yu bin laikim long maritim o bai kamap meri bilong yu? I tru, God i soim pinis mipela long wanem samting long em.

Pren mipela i laikim yu long lukluk sapos yu ken kisim yet dispela meri olsem pren bilong yu. Sapos i olsem, orait em i mas soim olsem em i bin mekim rong long raun wantaim narapela mangi. Dispela bai i givim sampela gutpela tingting long pogivim em na helpim long save wanem samting em i bin mekim rong. Sapos yu tingting long lusim em, orait mipela tu laikim bai yu mas i pogivim em olsem wanpela kristen na larim em i go wantaim gutpela bilip.

Dispela pasin pogivnes o lusim tingting long rongi ken hilim o stretim ol hevi na wari we i ken bringim gutpela sindaun we bai promotim bilip bilong yu wantaim God long nupela level.

God i save harim prea na ansaim ol long wei na taim long wil na as tingting bilong em bilong gutpela bilong yumi.

Mipela tokim yu long tingting bilong kisim helpim na mipela i askim yu long go het long trustim God, Proverbs 3: 5,6 long wanem em i laikim yu tumas na i laikim bai yu ken gat gutpela laip na gutpela pren long laip bilong yu.

Pren bilong Laipain

Sapos yu gat wari o hevi, rait i kam long dispela etres: Lifeline Counselling Services, P O box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu.

Buai lo i daunim bisnis na kalsa

Stanely Nondol i raitim

NUPELA buai lo bilong salim na kaikai buai insait long Mosbi siti, bai givim bikpela pawa moa long gavana bilong Nesenel Kapital Distrik long mekim disisen na bai i no gat balens namel long bisnis na kalsa bilong buai.

Gavenens Advoket, James Wanjik, i tok buai em i bisnis, we planti manmeri i kisim mani na lukautim sindaun bilong ol, na buai em i pasin tumbuna na gavman i no gat rait long rausim dispela tupela bikpela samting long laip bilong ol pipel.

Mista Wanjik i tok dispela nupela buai lo em NCDC i laik kamapim, bai givim bikpela pawa long NCD gavana long

stopim, kontrolim na rausim buai long siti long laik bilong em.

Mista Wanjik i tok nupela lo i lukluk long ples bilong salim na baim buai tasol i no tok klia long NCDC bai putim tu ples bilong kaikai na spetim buai na NCDC west menesmen bai klinim o karim pipia go tromoi.

Mista Wanjik i tok NCDC i no gat klia lo long kotim man

long wanem kot sapos wanpela sip, kar o balus i kisim buai kam insait long Mosbi siti na i no baim spot fain.

Aninit long nupela buai lo, sapos husait i salim na baim o kaikai na spet long pablik ples o tromoi pipia bilong buai kam aut long kar, bai baim K500 spot fain o sapos ol i no gat mani, bai ol i mekim komyuniti sevis wok long 2-6 aua.

Papa bilong kar, dingi o

kanu, bai baim K1,000 spot fain sapos ol i painimaut olsem em i karim buai i kam insait long Mosbi siti.

Papa bilong sip na balus bai baim K9,500 fain sapos ol karim buai kam insait long siti.

Sapos wanpela kampani i larim ol manmeri i salim buai insait long eria bilong ol, bai ol i baim K5,000 fain.

NCDC bai givim tok orait

sapos wanpela man i laik kisim buai kam insait long siti long taim bilong baim meri, haus kra i o wanpela bikpela bung bilong kalsa na ol i kisim tok orait long NCDC .

Ol lain i kisim tok orait i mas karim dispela tok orait pepa long taim bilong kisim buai kam insait, tasol hevi bilong buaia i no ken winim mak bilong 50 klio. Fi bilong dispela tok orait pepa em K50.

Bikpela turis sip kamap long Madang

PLANTI ol manmeri husait i bin wokabout raun long Madang taun long las wiken long Sarere apinun, i bin guria stret long lukim wanpela bikpela turis sip i go insait long Madang Haba na em i tromoi anka autsait yet long solwara na stop i stap.

Dispela bikpela turis sip "Oceania Discoverer" i karim ol turis bilong Australia, Kanada, Swiden na Amerika i kam lukluk raun long Madang. Bihain long sip i stop, ol bot bilong Melanesian Turis Sevis i go aut na bringim ol turis, i go lukim Madang taun na ol arapela samting. Planti bilong ol em ol lapun.

Melanesian Turis Sevises i bin ogenaism dispela lukluk raun bilong sip long Madang. Ol turis i raun long ol eria long Madang Risot Hotel na baim ol kaving, hendikraf na ol ara-

pela samting ol i gat laik long en.

Sampela turis i bin wokabout raun lukim ol mama i praim pis na salim wantaim banana long Kranget open maket. Ol i baim pis na brukim na testim na wokabout raun baim ol samting ol sampela lain bilong Sepik i salim olsem ol kaving, bis na ol bilum wantaim naispela bilas.

Wanpela turis Malcolm i tok ol lain bilong Australia long dispela sip em planti long ol em ol lapun o i ritaia na nau i stap nating na ol i raun long lukim ol ples long wol tasol.

Madang em wanpela senta we planti ol bikpela turis sip i save kam sua na ol turis i save lukluk raun. Melanesian Turis Sevises, kampani bilong olpela rijonal memba, Sir Peter Barter, i save stretim wokabout raun bilong ol turis taim ol i kamap long Madang.



Bikpela turis sip 'Oceania Discover' i stop autsait na liklik bot i bringim ol turis i go long Madang taun.

Ol turis i kamap long liklik bot bihain long ol i raun lukim Madang taun.

Polye singaut long ol Pasifik Ailan kantri i wok bung

MINISTA bilong Treseri Don Polye i tok ol Pasifik Ailan kantri i mas wok bung long wok bisnis long groim ikonomi bilong liklik kantri.

Mista Polye i holim wok bilong siaman bilong Wol Benk na IMF. Em i mekim dispela tokok long Washington DC long las wik taim em i go stap long bung bilong ol Komonwelt kantri..

Mista Polye i tok wok bung long bisnis bai kamap gut na karim gutpela kaikai sapos ol Pasifik kantri i wok poroman long tred, pablik praivet patnasip na leba maket insait long rijon na dispela i ken putim ol Pasifik kantri long gutpela mak long resis wantaim ol bikpela kantri.

Mista Polye i tok tred long Yurop na Amerika i wok long kamap orait na em i gutpela mak long ikonomi bilong Pasifiki gro.

Em i tok patnasip em i namba wan long rijon na em i ken helpim maikro na mekro ikononomik wantaim pablik sevis reform mas kamap.

Mista Polye i tok PNG gavman i i tok orait pinis long Pablik Praivet Patnasip Polisi na bai kamap lo long bungim praivet na pablik fainens long mekim bikpela projek we i no stap long baset bilong gavman.

PNG save kisim helpim long



Mista Polye em i siaman bilong Wol Benk na IMF.

Asian Developmen Benk (ADB) na ol arapela intanesenel grup long givim mani bilong ol infrastraksa developmen na lukim olsem baset defisit o dinau i no ken go antap tumas.

Minista Polye i mekim ol dispela tokok long ol Pasifik lida long miting bilong Komonwelt long Washington DC long Amerika las wik.

Minista Polye tu i kisim luksave tu olsem siaman bilong Wol benk na IMF long Washing long dispela miting.

Wantok

P. O. Box 1982, Boroko, NCD 111, PNG. Tel: (675) 325 2500 Fax: (675) 325 2579
Email: imek@wantok.com. / word@wantok.com.pg

"Need Wantok Niuspepa Street Sales & Retail Shop Agents Nationwide"

All you have to do is fill in the form below & send it to the Circulation Section on the above address for information.

Name _____

Postal Address _____

Telephone _____ Mobile _____

Fax: _____

Email _____

Signed _____ Date _____

Attn: **Luke MEK (Circulation & Distribution)**
Mobile: 73149358

Niuspepa Bilong Yumi Ol PNG Sret!!!

Siapea Haro – Yu no save yu yet go na lukim

Sape Metta i raitim

PLANTI toktok i wok long kamap nau long developmen bilong LNG projek long Galp provins.

Mekim na taim ol toktok i wok long go het, planti man-meri na pikinini long dispela provins tu i wok long bel kirap na lukluk i go long wanem samting bai kamap long hauslain na ples bilong ol.

Na mi tu mi wanpela papagraun long Galp provins, tasol mi wok long Goroka. Mi bin stap long Isten Hailans provins klostu long 40 kris-mas nau.

Liklik ples o hauslain bilong mi em Savaiviri na i stap long Malalaua distrik.

Bihain long harim ol toktok bilong LNG projek em i wok long go insait long sampela eria long Galp, mi tu i bin bel kirap na go daun long ples long bungim ol papagraun o lenona asosiesen grup bilong mipela long mun Mei long dispela yia.

Mi bin kisim balus na go daun long Pot Mosbi, na long hap mi kisim PMV na ron i go daun long Hiritano haiwe. Em i samting olsem sevenpela aua long ron lusim Pot Mosbi na go daun long Siapea Haro. Hap tok ya Siapea Haro long Tok Pisin em "het bilong pukpuk."

Mi kamap, lukluk long Siapea Haro na mi tingting, wanpela taim bihain long projek i kamap Siapea Haro bai i no inap stap moa.

Mi kalap long dingi, lusim Siapea Haro na ron i go daun long hauslain bilong mi Savaiviri. Taim mi na ol arapela wanpisin i ran long dingi, mi lukim graun, wara, bus, diwai, kokonas, saksak, gras na ol naispela en-vairomen we i raunim viles. Mi pilim bel bilong mi em i wari nogut tru long wanem, mi tingting, sapos LNG pro-

jek wok i kamap na go het long ol eria we ol hauslain bilong mipela i stap long en, em bai muvim na rausim tu ol hauslain bilong mipela. Na sindaun bilong mipela bai i no inap kamap olsem mipela i save sindaun long en bipo.

Bikpela wari bilong mi nau em olsem, ol pikinini na tumbuna bilong mi na ol arapela wanples bilong mi, ol i save long ples Savaiviri. Na sapos projek i kamap, hauslain bilong mipela tu bai pinis na i go lus olgeta, na ol pikinini na tumbuna bai i no inap save long ples bilong ol. Ples bai lus na em i samting bilong sori.

Na bipo long mipela i kamap long Savaiviri hauslain, ol yut long ples i bilas tumbuna na kamap wantaim singsing long welkamim mipela. Dispela em i brukim stret lewa bilong mipela, long wanem nau yet, kalsa na tredisen o pasin tumbuna long ples em i wok long lus hariap tru. Na i no long taim mipela bai i no inap lukim pasin tumbuna bilong mipela, bikos pasin tumbuna em bai dai na pinis olgeta.

Taim mipela kamap long ples, planti tingting na askim long tingting tu i kamap. Mipela i krungutim ples nau, na dispela bai fes na las taim long mipela lukim na krungutim ples o? Kain askim i kamap long tingting.

Ples Savaiviri em i stap gut. Ol hauslain manmeri na pikinini tu i stap na mekim ol samting em ol tumbuna i bin lainim na lusim long ol long mekim.

Tasol wanpela taim i no long taim nau, ol i no inap mekim moa dispela ol samting, long wanem, taim projek bilong LNG i kamap long ples – ol lokel man-meri, ol wara, bus, diwai, gras, ol wail laip, ol naispela en-vairomen tu bai lus long ples, na em bai wanpela bikpela pasin sori.

Yumi i ken amamas long

lukim projek i kamap na kisim bikpela royalty mani na win tu long ol benefit, tasol bihain long sampela krismas long taim wok projek i pinis, mipela bai i ken kamap ol lusman-meri long lukim olsem ples bilong mipela bai lus olgeta.

Nau yet, bikos long projek i kamap nupela, mipela i wok long toktok planti na amamas long kisim ol bikpela benefit. Tasol tingim, wanpela taim wok projek bai pinis, ol kamapani bai wain ap na stopim wok long ples na i go bek long asples bilong ol, mipela bai i ken kisim taim.

Olsem na long dispela tingting –mipela ol papagraun tu mas tingting na skelim gut ol samting pastaim bipo long mipela i larim ol kamapim long muv i go insait long ples long mekim ol wok projek.

Papagraun Sape Metta i sanap na lukluk long Siapea Haro bipo long em i kalap long dingi (pict2) na ran i go daun long ples bilong em long Savaiviri viles long Is bilong Galp Provins.



Loutova yut grup i bilas tumbuna, singsing na danis na welkamim ol papagraun na ol lokal viles lain long Savaviri viles bilong Galp Provins.

Ol Poto: Sape Metta

40,000

SEATS HAVE BEEN SOLD OUT!

40

YEARS STRONG

40

THOUSAND

40%

FARE

HURRY!

SEATS SELLING FAST!

Our Anniversary Sale is proving popular so we're offering 10,000 more seats!!

Hurry - Book early to secure your seat!

Thank you for being a part of the airline's growth and success.

Call Toll Free on **180 3444** or contact your nearest Air Niugini Travel Centre or Travel Agent for further details.

* The Anniversary Fare offer is valid until 30th November 2013 or when seats have been sold out. Conditions Apply.

Air Niugini

www.airniugini.com.pg



Papagraun bilong Basamuk luksave olsem NGO giamanim ol

WANPELA grup papagraun bilong Basamuk long Raikos insait long Madang long las wik Trinde i bin go antap long Kurumbukari Main long lukim stret ol wok Ramu NiCo Menesmen (MCC) Ltd i save wokim na laik save gut.

Ol lain papagraun makim Basamuk em Bailoi Siwai, Sonny Katu, Dagui Abin, Nicky Bagen na LOA Siaman bilong Basamuk, Lima Mullung. Bikpela astringting stret long bringim ol lain papagraun bilong Mindre viles klostu long Basamuk Rifaineri bilong Ramu NiCo i kamap bihain long sampela giaman toktok na infomesen wanpela nongavman ogenaimesen (NGO), Bismak Ramu Grup (BRG) i bin givim.

BRG em dispela sem NGO we I bin go pas long stopim dip si teiling plesmen (DSTP) bilong Ramu NiCo long bikpela kot tasol ol I bin lus.

BRG i salim ol lain bilong en i go long ol viles arere long Basamuk na givim aweanes na tokaut long ol infomesen we i no tru. Planti em ol giaman samting stret we bagarapim tasol bel na tingting bilong ol lokal pipel klostu.

Siaman bilong Basamuk Lenona Asosesin (LOA) Lima Mullung i bin go pas long dispela grup long mekim lukluk raun i go long KBK Main long maunten we Ramu NiCo i save kisim nikel/kobalt graun na redim na tu rausim kromait na salim graun tasol i go daun bihainim 135 kilomita paiplain i go long Basamuk.

Ol lain Basamuk papagraun ya go long KBK na lukim stret wok i kamap long graun na olgeta i tokaut stret olsem wanem samting NGO (BRG) i toktok long en em giaman toktok tasol.

Ripot i kam olsem Bismark Ramu Grup (BRG) i wok long go long ol viles arere long Basamuk na tokim ol manmeri olsem paiplain bilong Ramu NiCo i karim ol metol nogut ol i kolim kromait we taim ol manmeri i

holim ol bai dai. Tupela lain man bilong dispela NGO, wanpela bilong Raikos na arapela bilong Bogia i tokim ol manmeri tu olsem taim kromait marasin nogut ya i go long wara em i ken bagarapim ol pipel na ol diwai samting. Olgeta dispela infomesen em giaman stret.

Tasol long las wik Trinde, taim ol lain Basamuk papagraun i go antap long KBK ol wokman bilong Ramu NiCo i bringim ol i go long ol wan wan eria stat long main sait, we kampani i save kisim graun, na aglomoresen plent, kromait seperesen plent na benefisesin plent. Na taim ol i go kamap long kromait seperesen plent, ol i no painim wanpela birua taim ol i holim kromait em masin i rausim long nikel na kobalt.

Long aglomoresen plent, ol papagraun i lukim masin i rausim ol ston na arapela samting na larim graun tasol i go daun na wara i miksim. Na long kromait seperesen plent em ol i lukim ol masin we i wok wantaim wara we i rausim kromait na karim tasol nikel na kobalt ol yet.

Long dispela hap, ol papagraun i gat sans long putim han long wara na holim kromait bikos taim proses o wok bilong noisim seka dis i go kam, em i larim kromait long wanpela sait na nikel na kobalt graun long wanpela sait. Ol kromait em ol i rausim na putim long narapela eria na ol i salim nikel na kobalt we ol i kolim slurry o malumalu graun na wara tasol long paiplain i go daun long Basamuk.

Ramu NiCo i rausim kromait long graun (slurry) we i gat nikel na kobalt bikos kromait em i ken bagarapim 135 kilomita paiplain we i karim nikel/kobalt graun i go daun long Basamuk Rifaineri. Taim kromait i ron insait long paip em i ken mekim paip i go bagarap na tu em bai kos bikpela mani long senisim nupela paip. Olsem na Ramu NiCo i save rausim kromait na salim nikel/kobalt tasol i go daun long Basamuk Rifaineri.

Dispela em graun na wara tasol I ron na nogat wanpela marasin nogut I stap insait we bai I bagaraim ol pipel o envairomen sapos I gat birua long paip.

Ol lain papagraun i bin go lukim tu Kromait Peking eria na sindaun antap long kromait ol Ramu NiCo i bungim i stap. Olgeta i holim na lukim olsem em wankain olsem wesam i stap long olgeta hap. Dispela wankan wesam em i stap long nambis na tu long maus bilong wara long Yaganon, em ol papagraun bilong Basamuk i tok.

Gavman aninit long Dipatmen ov Envairomen na Konsevesen (DEC) i givim tok-orait long Ramu NiCo long wokim kamap dispela Kromait peking eria na kampani i bihainim lo bilong Gavman.

Ol dispela lain NGO (BRG) i wok long kamap wantaim kain kain giaman stori na toktok long bagarapim tingting bilong ol pipel na stopim developmen we nau planti pipel i amamas na lukim i stap.

Dispela kusai NGO i no kamapim wanpela samting olsem rot, bris o bringim sevis i go long ol pipel. Ol i save sindaun nating kamapim ol giaman stori long bagarapim developmen we i helpim sindaun bilong ol pipel long ples na haus-lain.



Lukluk raun long Kromait Seperesen plent long KBK.



Ol Basamuk papagraun holim kromait na pilim olsem em wesam tasol.



Basamuk LOA siaman Lima Mullung mekim toktok long KBK.



Ol Basamuk papagraun sindaun antap long kromait Ramu NiCo bungim i stap.



Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisanim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 bilian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

'Wanpela Ramu NiCo, Wanpela Komuniti'

Henagaru Viles Kopretiv kirap

Sape Metta i raitim

WANPELA viles komyuniti long Okapa distrik, Isten Hailans i kirapim Kopretiv Sosaiti bilong ol long wokbung na helpim ol yet wantaim ol egrikalsa fam wok na ol arapela liklik bisnis long ples bilong ol.

Henagaru Viles Developmen Kopretiv sosaiti (HVDC) em ol manmeri long hauslain i bung wantaim na kirapim.

Long taim ol i lukluk long kisim helpim i kam long opis bilong memba bilong ol long provinsal gavman, i nogat sapot i save kam long dispela ol opis olsem na ol yet i kirapim kopretiv sosaiti.

Siaman Samsom Jack i tok, "In-sait long Okapa distrik, mipela i stap long senta o namel bilong distrik, tasol helpim na sevis bilong gavman i save abrusim mipela na i go long ol arapela hauslain na viles. Mipela i misaut long ol sevis long las 38 yia, olsem na mipela kamapim wanbel pasin long bung wantaim na kirapim dispela sosaiti. Na as tingting long kirapim sosaiti em long helpim mipela yet na kamapim gutpela sindaun long ples."

Em i tok, long sindaun na lukluk tasol long kisim ol samting i no gutpela, long wanem, kain pasin tasol i save mekim ol manmeri les long wok na lukluk tasol long kisim ol fri mani na kago samting.

"Mipela long sosaiti i nogat dis-

pela tingting bilong kisim ol fri samting, olsem na mipela kirapim dispela sosaiti long helpim mipela. Na taim mipela i mekim olsem, ol lain husat i stap long gavman bai i ken kamap na sapotim mipela long ol wok mipela i kirapim," Jack i tok.

Em i tok, nau yet ol i gat 40 memba na em i amamas olsem bihain long lonsing namba ol i go antap liklik.

Jack i tok amamas tu long luksave na em i tok tenkyu long Isten Hailans Gavana, Julie Soso Akeke, long mekim komitmen o tok promis long helpim sosaiti long wok wantaim K10,000.

Mausman long opis bilong gavana, Bono Fiya, husat i bin kamap long lonsing bilong dispela sosaiti i tok, gavana Akeke i amamas long helpim ol kopretiv sosaiti, long wanem ol pipel i kamampim samting tru antap long graun bilong ol. Na dispela em i kirapim bel bilong em long sapotim HVDCS.



KATIM RIBEN LONG LONSIM SOSAITI: Ol opisel ges husat i bin kamap long lukim Henagaru Viles Developmen Kopretiv Sosaiti i redi long katim riben long lonsim sosaiti long Hese-Henagaru hauslain long Okapa distrik, Isten Hailans. **Poto: Sape Metta**

Em i tok, long opis bilong gavana i gat planti kain kain proposal na sabmisen pas we ol lain husat i raitim dispela ol pas i save pilim swit tru long raitim. Tasol long kamapim wok long graun bilong ol

long ples bai nogat tru.

Siaman Samson Jack i tok amamas na tenkyu long gavana long luksave long sosaiti, na em i laikim olsem gutpela wok bung namel long ol na gavman bilong Gavana

Sosoe i mas kamap strong.

Em i tok, sosaiti bai yusim gut dispela mani long helpim ol kopi groa na egrikalsa fama long kamapim gut wok bilong ol long ples.

Musunat Kopretiv opim wok haus long Madang

WANPELA fama kopretiv sosaiti long Madang provins i soim olsem em i strong long wok bisnis taim em i opim wanpela haus long mekim wok bilong en long Madang taun.

Dispela haus Musunat Kopretiv Sosaiti i bin opim i stap long namba tu Dipatmen ov Egrikalsa na Laipstok (DAL) eria long Baidal rot long Madang.

Nau bai gat opis spes bilong ol eksekutiv bilong kopretiv, husat bai mekim wok bilong ejen bilong PNG Nationwide Micro Benk.

Dispela haus bai inap holim 400 beg ol kaikai bilong kakaruk. Namel long dispela em 200 stata kaikai na 200 em ol finisa.

Ol lain opisa i kam long Madang distrik edministresen wantaim edministreta, Lawrence Pitor, ol opisa bilong Trukai Indastri na PNG Nationwide Micro Benk i bin kam stap long bung bilong opim dispela haus.

Wanpela konsalten bilong Murunat Kopretiv Sosaiti i givim wanpela projek proposal pepa we mani mak inap long K2 milien, i go long Madang edministreta, Mista Pitor.

Projek proposal o wok plen ol lain Musunat Kopretiv i givim em long wokim kamap wanpela haus kil bilong kakaruk na ples bilong brukim kiau na kamapim ol bebi kakaruk. Insait long dispela wok plen ol memba i ken kisim ol bebi kakaruk long projek bilong ol yet na lukautim long wan wan ples o hauslain bilong ol.

Siaman bilong Musunat Kopretiv Sosaiti, Franky Duadak i tok klia olsem planti ol memba bilong kopretiv i save painim taim long painim maket long salim ol kakaruk bilong ol na dispela haus kil bai daunim wari bilong ol. Moa long en tu, ples bilong kakaruk brukim kiau na kamapim bebi bai helpim ol fama long kisim ol yangpela kakaruk long lukautim long ples.

Mista Duadak i tok dispela projek bai helpim ol fama long lukim mani i kamap na raun insait long grup bilong ol.

Edministreta bilong Madang, Mista Pitor i givim bikpela tok amamas long Musunat Kopretiv Sosaiti long gutpela developmen wok na gohet bilong ol insait long Madang distrik.

Em i tokaut olsem long taim bilong em olsem edministreta, em i sapotim wok bilong kopretiv sosaiti bikos em i rot tru long kamapim developmen namel long ol fama long distrik.

Mista Pitor i tok olsem em i sapotim wok bilong kopretiv bikos olgeta lain i mas go bek na holim graun bihain long ples, na em tu bai wankain olsem na kain grup olsem Musunat bai helpim ol ples lain long kisim mani na helpim sindaun bilong ol.

Em i tok Madang distrik i no gat nesanel memba yet, tasol em i tokim ol memba bilong Musunat Kopretiv olsem bai em i givim dispela proposal bilong ol i go long nupela palamen memba bilong ol.



Papua New Guinea

DEPARTMENT OF FINANCE

NOTIS IGO LONG OL SAPLAIA BLONG OL GUDS NA SEVES IGO LONG GAVMAN DIPATMENT, PROVINCOL NA LOKOL LEVEL GAVMAN

2013 PASIM BLONG OL AKAUNTS

TOKSAVE LONG ARERE BILONG 2013 FAINENSOL YIA LONG PABLIK OLSEM:

- Laspela dei long givim auto i niupla Integrated Local Purchase Order Claim (ILPOCS), na tok orait long komitmen igo long Gavman PGAS em long deit 14th DISEMBA 2013. Bai inogat niupela ILPOC bai go aut bihain lo displa dei, 14th DISEMBA 2013.
- Peimen bilong guds na seves igo long husat i givim ol samting long Gavman, yusim ol trupla ILPOC bai igo yet inap 31st DISEMBA 2013.
- Gavman bai baim husat saplaia sapos yu givim ol inoivis blong yu igo inap arere blong bisnis long dei 13th DISEMBA 2013. Sapos yu givim ol guds na seves pastaim long 13th DISEMBA 2013, yu bai ol baim yu long 2013 yia.
- Olgeta inoivis na wanem kain askim yu gat imas go long pei opis blong wanem Gavman dipatmen husat ibin usim guds na seves blong yu. Noken karim ol kleims bilong yu igo long dipatmen bilong Fainens.
- Toksave ken olsem Gavman bai baim tasol ol opisol ILPOC na APC na ino ol narapela kain kleim. Dispela emi Lo.

Ken Ngangan

AUTHORISED BY
DR KEN NGANGAN CMA CPA
ACTING SECRETARY



OI spot eksen poto long wiken...

OI Poto Nicky Bernard.

1. OI anda 21 netbal tim bilong Tabubil. OI Sta Maunten meri kamapim stail long nesanel sempionsip long NCD. **Poto TNA**

2. Mipela ya! OI sapota bilong Bradas tim i putim was long Saut we ol bai salens long semi fainol long dispela wiken.

3. Pilaia bilong Kone Tigers i traim banis bilong Taragau long du o dai pilai bilong ol. Taragau i mekim go tru long semi fainol taim ol i winim dispela pilai long Pot Mosbi..

4. Rausim Su: Man i save stiaim pilai bilong Dobo Warriors i rausim su bilong em i soim olsem ol i aut long fainol bilong Pot Mosbi ragbi resis.



TOKSAVE: Salim ol spots dro bilong yu kam long Feks; 325 2579, e-mel;bveo@wantok.com.pg o kam lusim long Wantok Niuspepa opis long Able Building Complex long Central Waigani, NCD.

Crossroads winim Goroka wimens primiasip

Sape Metta i raitim

NUPELA soka klap bilong Goroka Futbol Asosiesen - Crossroads husat i bin bringim 4-pela tim bilong em long divisen bilong ol man na meri i go long gren fainol long NSI pilai graun long Sande, i winim tupela na lusim tupela gem bilong ol.

Long bikpela senia gred pilai long Wimens divisen - Crossroads wantaim eksperiens bilong tupela nesenel representative pilaia kepten Ara Midi na Cathy Agunam i soim stret kala na stail bilong pilai soka tupela i lidim tim bilong tupela wantaim ol strongpela pilai long ranim bal, na tu kamapim strongpela difens banis long winim dispela bikpela gem engensim Telikom wantaim 3 - 1 skoalain long fainol wisel.

Agunam husat em presiden bilong Goroka Futbol Asosiesen tu i tok, em i amamas na dediketim dispela win i go long olgeta wan pilaia bilong em, ol kosa, opisel, menesmen tim, ol sapota, sponsa na ol lain husat i bin wok hat tru long

bringim Crossroads i go na winim 2013 primiasip taitel.

Long bikpela gem bilong ol senia man, Blue Kumuls i winim primiasip taitel bihain long em i daunim Crossroads 3 - 0.

Long ol arapela lowa gred pilai, long junia anda 16 divisen bilong ol meri - Telikom dastim Blue Kumuls 2 - 0 na long divisen bilong ol man, Crossroads wilwilim Blue Kumuls 2 - 1.

Long anda 23 pilai bilong ol meri, Telikom nekim Blue Kumuls 1 - 0, na long divisen bilong ol man, Blue Kumuls long penelti sut aut i daunim Crossroads 6 - 5.

Bihain long olgeta pilai, presentesen seremoni i bin kamap, na presiden Cathy Agunam i tok, em i amamas long lukim 2013 sisen emi pinis gut.

Em i tok ol meri i go pas olsem presiden, em i no isi long ranim soka, " em i bikpela salens long mi, tasol mi amamas olsem soka sisen bilong 2013 em i kam na pinis gut".

Agunam na ol opisal bilong em i tok amamas na tenkim Goroka MP Bire



CROSSROADS - KWIN BILONG GOROKA SOKA: Meri presiden bilong Goroka Futbol Asosiesen na pilaia bilong Crossroads senia wimens tim Cathy Agunam (namba tu long lephan - fran) na Ara Midi (sanap namba tri long rait - baksait) i kisim poto wantaim Crossroads tim bipo long gren fainol pilai bilong ol wantaim Telikom. Crossroads wilwilim Telikom 3 - 1 na kisim primiasip taitel na kamap kwin bilong Goroka soka long 2013 sisen. *Poto: Sape Metta.*

Kimisopa, Kevin Smith long Pasifik Grup ov Kampanis, Istana Treding na ol arapela sapota long sponsaim Goroka Futbol Asosiesen long 2013.

Em i tok, em bai amamas moa yet sapos dispela ol sponsa, na ol arapela sponsa iwelkam tu long kamap na sponsaim Goroka soka. Na dispela ol sapat bai

i ken pusim Goroka soka long kamap strongpela asosiesen na tek pat long ol bikpela representativ futbol long Goroka, ol arapela senta na ovasis tu.

Bradas wetim Sauts, Tarangau bungim Magani

Nicky Bernard i raitim

POT Mosbi Ragbi Lig resis i kam long fainol pilai bilong ol long dispela wiken. Dispela foapela tim bai pilai na tupela wina bai go insait long gren fainol long wik i kam.

Bradas na Magani bin kisim wiken malolo long wiken i go pinis long wetim

ol wina bilong las wiken we tupela tim Sauts i autim tiket bilong Dobo na Tarangau i palai antap long Tiger long Sande.

Long namba wan pilai namel long Sauts na Dobo, tupela tim wantaim i soim wankain pilai we skoa bilong tupela i no stap longwe.

Sauts i kam bek strong long namba tu hap na putim tupela trai long strongim ol

long go pas long skoa. Dobo i kam bek wantaim tupela trai tasol ol kik bilong ol i no go insait. Dispela mekim 4 poin bilong ol i go nating. Saut i holim dispela pilai na mekim taim i pinis long Dobo.

Long namba tu pilai namel long Tarangau na Tiger, taim na skoa i no stap klostu long Tiger, 5 minit i go insait long pilai Tarangau i

palai go insait long trai lain bilong Tiger.

Dispela namba wan hap Tarangau i mekim gut tru long en we ol go putim 4-pela trai olgeta bipo long ol pilaia i go malolo.

Kosa bilong Tigers i senisim lainap na pilai bilong ol long difen na atek wantaim long wanem skoa i no stap long sait bilong ol.

Banis bilong ol Tiger i

kamap strong long stopim ol Taragau tupela man ron bilong ol. Dispela tupela man ron bilong Tarangau i mekim ol putim foapela trai long namba wan hap.

Taragau nau bai bungim Magani long lukim husat bai go stap long gren fainol na wetim wina bilong Bradas na Sauts. Dispela tupela pilai bai kamap long Sande long PRL graun.

Meri Skwad bilong Pom i kamap

POT Mosbi Soka Asosiesen i makim pinis ol 33 meri long trening long go pilai long Sauten Rijonal Besta kap long Alotau long wik i kam.

Dispela 33 meri ol makim bai ol katim go daun bihain long trening. Sapos ol meri i no kamap long trening bai ol rausim em long skwad.

Ol pilai bilong supra lig i no bin kamap long wiken bihain long liklik hevi ol lain save lukautim ol pilai long PMSA.

Dispela ol 20 meri bai go long Alotau bihain long fainol nem i kamap bihain long gren fainol bilong ol meri supra lig.

Dispela trening kem bilong

ol meri bai stap long was bilong kosa Keven Friday na Robert Sabadi, ol meri long skwad em, Joyce Tsuga, Claire Tsuga, Lavina Hola, Alendra Elijah, Gloria Leali, Fatima Rama, Sandra Birum, Dorcas Sesevo, Terry Lasin (Mungkas) Hipak Pokichong, Deffany Flinders, Daslyn Siniu, Katherine Horris, Kiwi Tona, Lydia Barnabas, Davina Novata, Jessica Nawi (Rapatona) Esther Kurabi, Helen Baki, Kathy Lanta, Joan Aidabo, Samatha Lelei (Guria) Pamela Norrie, Lydia Kose, Mary Mogi, Ida Gerothera, Linda Bunaga, Janr Norrie Scholar Morabang na Michelle Inga (Yuni)

Tabubil soim kala long Netbal Sempionsip

TABUBIL Netbal Asosiesen presiden Maxine Siwi i tok amamas i go long ol senia na junia netbal tim bilong em long gutpela pilai ol bin mekim long netbal sempionship we bin kamap long NCD.

Maski ol meri long Sta Maunten i no kisim wanpela bikpela prais tasol ol bin soim stail na kala bilong ol we i opim ai bilong sampela tim.

"PNG Netbal Federesen i bin amamas long Tabubil Netbal Asosiesen aninit long lukaut bilong mi olsem presiden na developim ol anda 21 na kisim ol kam aut long eksperiens long Netbal Sempionsip," Misis Siwi i tok.

Misis Siwi i tok anda 21 i pilai gut na ol i kisim prais bilong best mid kot i go long Tocy Pasin long Mil Kopa Klub we em mekim Tabubil



Ol anda 21 netbal tim bilong Tabubil. Ol Sta Maunten meri kamapim stail long nesenel sempionsip long NCD. Poto TNA

Netbal Asosiesen i amamas.

"Bikpela amamas Tocy long soim gutpela pilai olsem spot meri na kisim dispela prais long mid kot long nesenel sempionsip

long 2013. Ol i makim 6-pela meri long anda 21 tim bilong mipela long stap long developmen skwad long go long Australia long yia i kam tasol ol i no tokaut yet long nem," Misis Siwi i tok.

i kam long bek pes

Costigan i kumul kepten

Kos Dairekta, Mal Meninga na Kos Andrian Lam i toksave long Costigan i kamap olsem kepten long Pot Mosbi na tim Kumul kisim balus long Mande apinun go long Inglan long bungim wanpela trail pilai egenisim Skotland long Oktoba 17.

Segeyaro i kisim bagarap long PM 13 gem long Kokopo na i no orait long pilai long wol kap. Mal Meninga i toksave long kantri olsem Joe Bruno kam insait long kisim ples bilong Segeyaro.

Mal Meninga na Lam na Siaman bilong PNG-GRFL Don Fox i tokaut olsem ol i gat bikpela bilip long tim Kumul long wol kap salens.

Mal na Lam tupela i tok trening bilong ol Kumul bin kamap gut tru bihain long ol i lus long 50-10 engensim Australia Kangaroo long PMs 13 long Kokopo.

Long dispela wol kap planti yangpela na lokal pilaia bilong PNG Digicel Kap na 5-pela ovasis pilaia, Menjie Yere, David Mead, Neville Costigan na Jayson Chan wantaim Ray Thompson tasol i stap long givim strong long ol pilaia long salensim Wol Kap sempion Nu Silen Kiwi, Frens na Tonga long pul B.

Meninga, Lam na Fox i tok bai longpela taim liklik long PNG ragbi lig i stap long wankain mak olsem Australia, Nu Silan na Inglan na ol arapela bikpela kantri. Tasol ol i tok long lukluk bilong wok redi long wol kap, PNGi stap long bikpela fom stret wantaim ol pilaia na Meninga i tok gol bilong Kumul em long go long kota fainol.

Long Oktoba 27 PNG bai pilai egens Frans long opim gem long pul B na bihain long en bai bungim Tonga na Nu Silan.

Mal na Lam i no tokaut posisen bilong tim Kumul. Tupela bai tokaut taim ol i pilai wantaim Skotland.

Lam i tok bikpela tenkyu i go long PNG gavman, LNG projek na Nesenel Gaming Bod na ol arapela sponsa long salim Kumul i kisim PNG plak i go long wol kap salens.

Meninga i tok PNG bai mekim stret long wol kam. Em i tok 5-pela kemp na wanpela pilai putim Kumul long gutpela mak pinis na i tok em i gat bikpela bilip long Kumul bai salensim ol bikpela ragbi lig kantri.



Netbal - Hallinan na Francois pait long bal. Australia pilaia Renae Hallinan na Nu Silan pilaia Shannon Francois i pait strong long gem faiv bilong Konstelesen Kap siris long AIS long Oktoba 13, 2013 long Canberra Australia.



Nu Silan
Nus Silan i selebretim win bilong ol long Australia 40-19 long Gold Coast Sevens kap fainal long Oktoba 13, 2013 long Robina.



Taim kriket i go rong...

Brad Haddin i kisim bagarap long ai bilong em na ol i rausim em taim tim met bilong em, James Faulkner i pokim ai bilong em. Dispela asua i kamap taim ol i amamas long na paitim han i go i kam na abrus na sutim ai bilong Brad.

Australia i trai hat long stap long wol top-renk wan de kriket i go pas long 72-ran win long India long openim sirie long ples Pune long India.

SCORECARD: IND v AUS

- Australia won by 72 runs
- Long Pune, Oktoba 13, 2013
- AUS:** 8 long 304 (50 ovas)
- G Bailey 85 (82)
- A Finch 72 (79) Yuvraj Sing 2-34 (6.0)
- R Ashwin 2-55 (10)
- IND:** 232 olgeta aut (49.4 ovas)
- V Kohli 61 (85)
- R Sharma 42 (47) P Faulkner 3-47 (8.0)
- S Watson 2-31 (8.0)



Hos res - Long John winim Divine Calling long Caulfield Guineas resis. Hos res hos Long John (raithan), Kerrin McEvoy i kalap long en i go pas long nara-pela hos, Divine Calling, Nash Rawiller i kalap long en i winim Caulfield Guineas resis long Melbourne, October 12, 2013.



Ain man - Australia traitlit Mirinda Carfrae i stap long eksen long Hawaii Ainman resis taim em i pinisim 180km baisikol ron mak long Wol Ainman resis 2013.

2013 MOROBE SHOW

"SUPER SPECIAL DEAL"

Buy a MS 720 Chain Saw

Get 2x Mills FREE!

Plus a bilum load of Accessories FREE worth K300

FOR ONLY
K5,862
INC TAX



*** TO QUALIFY FOR THIS YEAR'S MILLING RACE, ONE MUST BUY A PROMO MACHINE AND PRODUCE INVOICE** **ONLY FIVE (5) TEAMS 1ST COME 1ST SERVE.**



Port Moresby
Call 325 5766

Lae
Call 472 2444
**Available 1st - 31st October, 2013*

Kokopo
Call 982 9299



Gems Minista i bungim ol gavman ejensi

Frieda Sila Kana i raitim

MINISTA bilong Spots, 2015 Pasifik Gems na Nesenel Evens, Justin Tkatchenko i bungim sampela gavman ejensi wantaim Gems Ogenaising Komiti (GOC), long Lamana Hotel.

Dispela em i namba tu taim nau insait long dispela yia long GOC i bung wantaim olgeta gavman enjensi. Namba wan bung I kamap long mun Me.

Man i makim maus bilong Sif Seketeri Manasupe Zurenuoc, Mista Gideon Oli i tok, 10-pela mun i go pinis gavman i bin putim K380 milien na em i lukluk long narapela 3 kwota bai ol i givim long pinis bilong dispela yia. Olgeta mani gavman i promis long givim i go long Pasifik Gems em inap long mak bilong K773 milien.

Em i tok, Praim Minista i bin tok strong long olgeta gavman dipatmen i mas mekim ol wok hariap long sekese bilong ol, long lukim dispela 2015 gems i mas kamap gut long taim stret.

Em i tok gavman i givim tok orait bilong planti takis bai i go daun o bai rausim olgeta long ol kontrak kampani na ol kopret sponsa long ol i mekim wok bilong Pasifik Gems.

"I gat sampela bikpela wok i kamap pinis, tasol yumi mas wok moa yet long yumi ken lukim ol gems i kamap gut long taim stret," Mista Tkatchenko i tok.

Minista i askim olgeta lain bilong gavman husat i kamap long ol i ken givim stori bilong ol long Gems Ogenaising Komiti long wanem kain wok ol ejensi bilong ol i mekim pinis



Sampela mausman bilong gavman dipatmen wantaim Minista bilong 2015 Pasifik Gems, Spots na Nesenel Even, Justin Tkatchenko.

long redi long gems.

"Les pasin em i no gutpela. Yumi no ken skin les na stap isi, isi. Yumi mas kisim strong na mekim wok hariap. Dispela gems em bilong kamapim strong nesen na Pasifik," Mista Tkatchenko i tok.

"Yumi i no gat taim nau. Bilong wanem i gat wanpela yia na hap tasol i stap long olgeta samting bai redi. Yumi laikim dispela gems bai kamap namba wan stret long olgeta narapela gems i save kamap long bipo i kamap," em i tok.

Tasol Minista Tkatchenko i no bin amamas long lukim planti Het bilong Dipatmen i no bin stap long bung wantaim GOC long dispela kibung.

Em i tok, ol husat het bilong gavman i no kamap, bai ol i

kisim mekim save long opis bilong Sif Seketeri.

Tasol Sif Eksekutiv Opisa bilong GOC, Peter Stewart i tok, em i amamas long bung wantaim ol opisa husat bai mekim wok. Em i tok, planti taim sampela tok i save go long het bilong dipatmen o ejensi i no save go long ol man bilong mekim wok. Na tu em i wankain long ol sampela lain i save kamap em i no stap long mak bilong tok orait long ol wok na dispela tu em i ken kamapim hevi.

Mista Stewart i tok dispela invesmen bilong ol infrastraksa long 2015 Pasifik Gems na ol wok bung bilong ol gavman ejensi em i redim kantri long narapela bikpela moa kibung bilong APEC bai i

kamap long 2018. Em bai winim 2015 gems 10-pela taim

Operesen Menesa bilong Gems, Clint Flood i tok, i gat foapela bikpela na sampela liklik projek, nau i wok long kamap. Ol bikpela projek em, Gems Viles long putim 4,000 ol pilaia, bai i kos K300 milien, Taurama Aquatik Pul na Indo Gems, Sir John Guise Stadium, na Sir Hubert Murray Stadium bai i gat 15,000 sia, na ol liklik projek em, Bisini Kots na Rita Flynn Kots, PRL, Tennis na Squash klap, Golf klap, na suting rens long Jun Veli.

Mista Stewart i tok, long taim bilong gems, bai i gat tu wik skul holide na tu bai ol i askim gavman long givim pablik holide tu.



Pilai bilong ol PNG Kumul egensim Australia

KLOSTU taim nau bai bai Ragbi Wol Kap pilai i kamap na nesenel tim bilong yumi bai apim plak bilong yumi namel long ol narapela kantri.

Dispela i wanpela bikpela pilai tru we ol strongpela na gutpela tim long wol bai pilai long en.

Pilai long Kokopo namel long ol Kumul na Kangaroos bilong Australia i soim strong long tim bilong yumi.

Long sampela, tim bilong yumi i kisim gutpela trening aninit long stia bilong ol biknem Ragbi Lig pilaia na kosa bilong Kwinslen, Mal Meninga na kosa bilong yumi yet, Adrian Lam, long redim ol long dispela bikpela wol pilai long Ingran.

Mi bin wok long lukim gut stret ol pilai long laip TV we Kundu 2 i putim kamap namel long ol Kumul na Kangaroo long Kokopo. Na mi ken tok mi no amamas long sampela mistek ol Kumul lain i mekim long ol besik o liklik samting. Ating ol narapela lain i lukim pilai long Kundu TV bai tok wankain. Moa yet, long takol we i bin nogut tru bikos ol Kangaroo lain i wokabout namel long difens bilong yumi olsem i nogat pilaia long stopim ol.

Mi inap amamas sapos ol pilaia i go insait long difens na larim ol mangki bilong yumi i wokim moa trai. I bin gat planti mistek we mi bilip ol kosa bai helpim ol pilaia na ol i stretim long mekim gut moa long Wol Kap.

Nau mi laik lusim ol toktok mi wokim na tromoim sapot bilong mi i go long tim bilong yumi long go na mekim gut long Ingran.

Yumi mas luksave olsem dispela em i bikpela pilai we gavman na pipel bilong kantri i putim bikpela mani long sapotim tim i go stap long pilai ya.

Gavman i gat bikpela sapot long ol gem na i wokim wankain tu long dispela.

Mi bilip olsem tim bai traim hat long fil na tu, ol bai gutpela ambaseda long kantri bilong yumi.

Ol Barramundi soim kala long Adelaide

DIGICEL PNG Barramundi i statim namba wantes pilai wantaim tupela win egensim Adelaide Turf kriket Asosiesen. Klap we i stap antap long lata em Payneham Duke Kriket klap.

Insait long namba tu bilong T20-pla pilai, gem em i bin go het yet maski ren i pundaun long dispela moning. Na tu maski kol na win i kirap, ol mama graun husat i winim tos i go het long betim bal long dispela taim. Mahuru Dai openim wantaim opis bilong em.

Willie Gavera tu i paitim namba wan ova bilong em we i mekim ol hom said i painim hat tru. Ol Barras i pait strong wantaim ol boling bilong ol we i ol i stopim ol wantaim home side 5/105 long mak bilong pilai. Man husat i top skoa wantaim 41 em L Harrington na J Stagg i sapotim em wantaim 32 bilong ol home side. Dispela tu lukim ol wicket ol i serim namel long ol man bilong tromoi bal.

Long dispela, Kila Pala na Tony Ura i openim ining na go antap wantaim 36 skoa bihain Pala i

go aut long 23. Bihain long em, Ura long 16, bihainim Charles Amini (4) we i lukim gem i stap long 3/52. Vani Vagi Morea (33*) na Jason Kila (32*) i redi na tupela i go insait long pilai na winim dispela gem wantaim wining patnasip 57 off 49 bal long stiaim Barras i go long las ova.

Namba tu pilai o gem long moning, tim Digicel PNG Barras i go het yet long wanem hap ol i bin stop long en we i lukim ol i kam antap long 4/143 long mak bilong gem. Tony Ura (56) na Jack Vare (51), tupela wantaim i putim skoa na helpim ol long i go antap.

Dispela i mekim ol tim Barras i pait strong wantaim bal insait long fil long stopim ol hom said long skoa 9/63 bilong twenti ova. Charles Amini i kisim gut ol bola wantaim gutpela namba na putim ol 4/9, Chris Amini wantaim (2/5) na Andrew Hicks pinis wantaim tupela wicket i lukim skoa (2/15).

Ol Digicel PNG Barras bai pilai egensim Darren Lehman Kriket Ekedemi long Trinde wantaim 50 ova gem.



TENKYU TRUKAI: Ol wet lifta husat i go long mini gems long Wallis na Futuna bin mekim gut tru. Planti bilong ol em ol yangpela na dispela mini gem i bin helpim ol tru long redi long dispela bikpela Saut Pasifik Gems bai kamap long 2015 long graun bilong yumi stret. Dispela ol yangpela lain bin kisim luksave i kam long gavman tu na sponsa bilong ol Trukai Industri bin wanbel stret long ol na givim ol K20,000 long ol long gutpela pilai na winim gol bilong Papua Niugini. Long poto stat long han kais kam long han sut em, Monaliza Kassman, Sandra Ako, Laura Harry na Rita Kari, em ol yangpela meri bin karim nem bilong PNG long sait bilong karim ol ain. **Poto Stori Nicky Bernard.**



DIANA Blu
TUNA IN OIL

Moa oil na meat insait



Costigan i Kumul kepten, Segeyaro i stap aut

Stanly Nondol na Nicky Bernard i raitim

FOWUD bilong Kwinslen Marun na Nu Kasel Nait, Neville Costigan i kamap kepten bilong PNG Kumul long wol kap salens em bai stat long Oktoba 27 long Inglen. Tasol Not Kwinslen Kauboi, James Segeyaro bai no inap joinim Kumul long dispela salens.

- Lukim ol spot poto long Pes 24
- Crossroads winim Goroka wimens primiasip Pes 25
- Ol wolspot poto long Pes 26

Moa long Pes 25.



Valvoline
PMV DIESEL OIL

PMV OIL BILONG YUMI

BOROKO MOTORS

PORT MORESBY	325 5255
LAE	472 1144
MT HAGEN	542 1933
TABUBIL	649 9048
KIMBE	983 5035
MADANG	422 2659
KOKOPO	982 8193
GOROKA	532 3552

Email: info@borokomotors.com.pg
 Website: www.boroko-motors.com